


後漢書



三

桓帝紀第七

後漢書七

孝桓皇帝諱志

謚法曰克敵服遠曰志

肅宗曾孫也祖父河

間孝王開父蠡吾侯翼

順帝時開上書願分蠡吾縣以封翼帝許之蠡吾故城在今瀛

州博野縣西蠡音禮

母偃氏

諱明本蠡吾侯之媵妾史記曰偃姓咎繇之後也偃音偃

翼卒帝

龔爵為侯本初元年梁太后徵帝到夏門亭

洛陽城北面西頭門

也門外有萬壽亭

將妻以女弟

妻音七計反

會質帝崩太后遂與兄

大將軍冀定策禁中閏月庚寅使冀持節以王青蓋車

續漢志曰皇太子皇子皆安車朱班輪音蓋金華蚤故曰王青蓋車也

迎帝入南宮其日

即皇帝位時年十五太后猶臨朝政

東觀記曰太

秋七

月乙卯葬孝質皇帝于靜陵

在洛陽東南三十里陵高五丈五尺周百三十八步

順治十五年刊

後漢書七

齊王喜薨辛巳謁高廟光武廟丙戌詔曰孝廉廉吏皆當典城牧民禁姦舉善興化之本恒必由之詔書連下

分明懇惻而所在翫習遂至怠慢選舉乖錯害及元元

頃雖頗繩正猶未懲改方今淮夷未殄軍師屢出本初元年

廬江賊攻盱台廣陵賊張嬰等殺江都長盱台江都並近淮故言淮夷時中郎將滕撫屢擊破之其餘衆猶未

殄百姓疲悴困於徵發庶望群吏惠我勞民蠲滌貪穢

以祈休祥其令秩滿百石十歲以上有殊才異行乃得

參選賦吏子孫不得察舉杜絕邪僞請託之原令廉白

守道者得信其操信音申古字通各明守所司將觀厥後九月

戊戌追尊皇祖河間孝王曰孝穆皇夫人趙氏曰孝穆

皇后皇考蠡吾侯曰孝崇皇冬十月甲午尊皇母良氏

為孝崇博園貴人博本漢蠡吾縣之地也帝既追尊父為考崇皇其陵曰博陵置園廟焉故

曰博園在今瀛州博野縣西貴人位次皇后金印紫綬

建和元年春正月辛亥朔日有食之詔三公九卿校尉

各言得失戊午大赦天下賜吏更勞一歲男子爵人二

級為父後及三老孝悌力田人三級鰥寡孤獨篤癯貧

不能自存者粟人五斛貞婦帛人三匹災害所傷什四

以上勿收田租其不滿者以實除之二月荆揚二州人

多餓死遣四府掾分行賑給沛國言黃龍見譙夏四月

庚寅京師地震詔大將軍公卿校尉舉賢良方正能直

言極諫者各一人又命列侯將大夫御者謁者千石六

百石將謂五官左右虎賁羽林中郎將也大夫謂博士

議郎郎官各上封事指陳得失博上掌通古今比六百石議郎比六百石郎官

謂三中郎將下之屬官又有中郎侍郎郎中又詔大將軍公卿郡國舉至孝

篤行之士各一人壬辰詔州郡不得迫脅驅逐長吏長

吏贓滿三十萬而不糾舉者刺史二千石以縱避為罪

若有擅相假印綬者與殺人同弃市論丙午詔郡國繫

囚減死罪一等勿笞唯謀反大逆不用此書又詔曰比

起陵塋作靜陵也彌歷時歲力役既廣徒隸尤勤頃雨澤不

沾密雲復散儻或在茲其令徒作陵者減刑各六月是

月立阜陵王代兄勃道立丁侯便為阜陵王便光武子也阜陵王恢

之子以順帝陽嘉中封勃為道亭侯今改封也郡國六

地裂水涌井溢續漢志曰口水溢壞城寺室屋殺人時芝

草生中黃藏府漢官儀曰中黃藏府掌中幣帛金銀諸貨物也六月太尉胡廣

罷大司農杜喬為太尉秋七月勃海王鴻薨章帝曾孫也樂安夷

王寵之子質帝之父立帝弟蠡吾侯悝為勃海王乙未

立皇后梁氏九月丁卯京師地震太尉杜喬免冬十月

司徒趙戒為太尉戒字志伯蜀郡人也司空袁湯為司徒前太尉

胡廣為司空十一月濟陰言有五色大鳥見于巴氏續漢

志曰時以為鳳皇政既衰缺梁冀專權皆羽孽也巴氏縣名屬濟陰郡故城在今宋州楚丘縣也古戎州巴氏

之邑也 戊午減天下死罪一等戍邊清河劉文反殺國相

謝暉欲立清河王蒜為天子事覺伏誅蒜坐貶為尉氏

侯徙桂陽自殺尉氏縣屬陳留郡今汴州縣也前太尉李固杜喬皆下

獄死續漢志曰順帝之末京都童謠曰直如弦死道邊曲如鉤反封侯曲如鉤謂梁冀胡廣等直如弦謂

李固陳留盜賊李堅自稱皇帝伏誅東觀記曰江

二年春正月甲子皇帝加元服庚午大赦天下賜河間

勃海二王黃金各百斤河間王建勃海王性彭城諸國王各五十

斤彭城王定公主大將軍三公特進侯中二千石二千石將

大夫郎吏從官四姓及梁鄧小侯諸大夫以下帛各有

差年八十以上賜米酒肉九十以上加帛二匹綿三斤

三月戊辰帝從皇太后幸大將軍梁冀府白馬羌寇廣

漢屬國殺長吏益州刺史率板楯蠻討破之板楯西夷蠻之號

夏四月丙子封帝弟顧為平原王奉孝崇皇祀尊孝崇

皇夫人馬氏為孝崇園貴人嘉禾生大司農帑藏說文帑

者金布所藏之帑也帑佗朗反五月癸丑北宮掖廷中德陽殿及左掖

門火車駕移幸南宮六月改清河為甘陵立安平王得

子經侯理為甘陵王安平今定州縣也秋七月京師大

水河東言木連理冬十月長平陳景自號黃帝子署置

官屬又南頓管伯亦稱真人並圖舉兵悉伏誅

三年春三月甲申彭城王定薨夏四月丁卯晦日有蝕

之續漢志曰在東井二十三度東井五月乙亥詔曰蓋主法梁太后柱殺公卿已天法也

聞天生蒸民不能相理為之立君使司牧之君道得於

下則休祥著乎上庶事失其序則咎徵見乎象已上畧成帝詔

詞間者日食毀缺陽光晦暗朕祇懼潛思匪遑啓處也

也塔跪也詩曰王傳不云乎日食修德月食修刑公羊

事靡監不遑啓處傳不云乎日食修德月食修刑公羊

文昔孝章帝愍前世禁徙故建初之元並蒙恩澤流徙

者使還故郡没入者免為庶民先皇德政可不務乎其

白永建元年迄於今歲凡諸妖惡更親從坐及吏民減

死徙邊者悉歸本郡唯没入者不從此今六月庚子詔

大將軍三公特進侯其與卿校尉舉賢良方正能直言

極諫之士各一人乙卯震憲陰寢屋秋七月庚申康

雨肉續漢志曰肉似羊肺或八如王五行傳云弃法律

逐功臣時則有羊觸時則有赤青赤祥是特梁不

市前書曰旗星中京師大水九月己卯地震庚寅地又

震詔死罪以下及亡命者贖各有差郡國五山出朋冬十

月太尉趙戒免司徒袁湯為太尉大司農河內張歆為

司徒敬字十一月甲申詔曰朕攝政失中災責連仍三

光不明陰陽錯序監寐寤歎疾如疾首監寐言睡寢而

今京師廝舍死者相枕廝舍賤役郡縣阡陌處處有之

甚違周文掩骼之義其有家屬而貧無以葬者給直人

三千喪主布三匹若無親屬可於官塋地葬之塋官之地

前書音義曰塋城郭旁地音奴喚而變二反表識姓名為設祠祭又徒在作

部疾病致醫藥死亡厚埋藏民有不能自振及流移者

粟穀如科州郡檢察務崇恩施以康我民

和平元年春正月甲子大赦天下改元和平已亥詔曰

曩者遭家不造先帝早世謂順帝崩詩周頌曰閔予小子遭家不造鄭玄注云造成

也言成王遭武王崩家道未成永惟大宗之重深思嗣續之福詢謀台

輔稽之兆占既建明哲克定統業天人協和萬國咸寧

元服已加將即委付而四方盜竊頗有未靜故假延臨

政以須安謐幸爾股肱禦侮之助殘醜消蕩謂建和二

景反南極管伯民和年稔普天率土遐邇洽同遠覽復

子明辟之義尚書曰周公曰朕復子明辟復還也子謂

明君之政於成王今近慕先姑歸授之法先姑謂安帝

太后亦還政於帝也及今令辰皇帝

雅曰婦人謂夫之父曰舅夫之母曰姑稱制群公卿士虔恭爾位戮力一意勉同斷金金者剛

言人能同心則其利可以斷之展也大成則所望矣詩

也易曰二人同心其利斷金扶風妖賊裴優自稱皇帝伏誅裴姓優名也風俗甲寅

皇太后梁氏崩三月車駕徙幸北宮甲午葬順烈皇后

夏五月庚辰尊博園優貴人曰孝崇皇后秋七月梓潼

萬曆十六年刊 後漢書帝紀七 六

山崩梓潼縣屬廣漢郡今始州縣也有梓潼水冬十一月減天下死罪一等

徙邊戍

元嘉元年春正月京師疾疫使光祿大夫將醫藥案行

癸酉大赦天下改元元嘉二月九江廬江大疫甲午河

間王建薨夏四月己丑安平王得薨河間孝王開之子初為樂成王後改

曰安京師旱任城梁國饑民相食司徒張歆罷光祿勳

吳雄為司徒秋七月武陵蠻叛冬十月司空胡廣罷十

一月辛巳京師地震閏月庚午任城王崇薨太常黃瓊

為司空

二年春正月西域長史王敬為于寘國所殺敬殺于寘王建故國

八殺丙辰京師地震夏四月甲寅孝崇皇后于博陵秋七月

午常山王豹薨五月辛卯葬孝崇皇后于博陵秋七月

庚辰日有食之八月濟陰言黃龍見句陽縣名屬濟陰郡左傳曰盟

于句瀆之丘是也故城在今金城言黃龍見允街允街

曹州乘氏縣北一名穀丘冬十月乙亥京師地震十一月司空黃瓊免

十二月特進趙戒為司空右北平太守和旻坐賊下獄

死

元嘉元年春二月張掖言白鹿見三月丁亥幸鴻池夏

五月丙申大赦天下改元永興丁酉濟南王廣薨無子

國除秋七月郡國三十二蝗河水溢百姓饑窮流冗道

路至有數十萬戶冀州尤甚詔所在賑給乏絕安慰居業冬十月大尉袁湯免太常胡廣為太尉司徒吳雄罷司空趙戒兄以太僕黃瓊為司徒光祿勳房植為司空十一月丁丑詔減天下死罪一等徙邊戍是歲武陵太守應奉招誘叛蠻降之

二年春正月甲午大赦天下二月辛丑初聽刺史二千石行三年喪服癸卯京師地震詔公卿校尉舉賢良方正能直言極諫者各一人詔曰比者星辰繆越坤靈震動災異之降必不空發勅已修政庶望有補其與服制度有踰侈長飾者皆宜損省長音直亮反郡縣務存儉約申

明舊令如永平政事六月彭城泗水增長逆流張衡說

者五行之首逆之流者人君逆也詔司隸校尉部刺史曰蝗災

為害水變仍至亡穀不登人無宿儲其令所傷郡國種

無菁以助人食示師蝗東海胸山崩胸山名也在今海州胸山縣南九

月丁卯朔日有合之詔曰朝政失中雲漢作旱雲漢詩大雅篇

名也周宣王時大旱故作詩曰倬彼雲漢昭回于天鄭玄注云雲漢天河也倬然轉運於天時旱渴雨故宣王夜

相天河望其候焉川靈瀉水蝗蟲孽蔓殘我百穀太陽虧光饑

饑荐臻其不被害郡縣當為饑餒者儲天下一家趣不

棄爛則為國寶其禁郡國不得賣酒祠祀裁足太尉胡

廣免司徒黃瓊為太尉閏月光祿勳尹頌為司徒頌字公孫

遣減天下死罪一等徙邊戍蜀郡李伯詐稱宗室當立
為太初皇帝伏誅冬十一月甲辰校獵上林苑遂至函
谷關賜所過道傍年九十以上錢各有差太山琅邪賊
公孫舉等反叛殺長吏

永壽元年春正月戊申大赦天下改元永壽二月司隸

冀州饑人相食司隸州勅州郡賑給貧弱若王侯吏民

有積穀者一切貸得十分之三貸音吐得反以助粟貸

其百姓吏民者以見錢崔吉崔音舊王侯須新租乃償須

也夏四月白鳥見齊國六月洛水溢壞鴻德苑鴻德苑在洛水

至津城門漂流人物時梁冀專政南陽大水司空房植

免太常韓緡為司空緡音翼詔太山琅邪遇賊者勿收

租賦復更筭二年又詔被水死流矢屍骸者令郡縣鈎

求收葬及所唐突壓溺物故七歲以上賜錢人二千壞

敗廬舍亡失穀食尤貧者粟人二斛巴郡益州郡山崩

益州郡名也武帝置漢秋七月初置太山琅邪都尉官漢

諸本無郡字者誤也儀曰秦郡有尉一人典兵禁捕盜賊景帝更名都尉建

武七年省唯邊郡益往置都尉及屬國都尉今二郡寇

賊不故置息南匈奴左臺且渠伯德等叛寇美稷美稷在西安

定屬國都尉張奐討除之

二年春正月初聽中官得行三年服中官常侍以下二月甲申

東海王臻薨三月蜀郡屬國夷叛秋七月鮮卑寇雲中

太山賊公孫舉等寇青兗徐三州遣中郎將段熲討破
斬之冬十一月置太官右監丞官漢官儀曰太官右十
監丞秩比六百石
二月京師地震

三年春正月己未大赦天下夏四月九真蠻夷叛太守

兒式討之戰歿遣九真都尉魏朗擊破之復屯據日南

閏月庚辰晦日有食之六月初以小黃門為守宮令置

冗從右僕射官漢官儀曰守宮令一人黃門
人並秩六百石京師蝗秋

七月河東地裂冬十一月司徒尹頌薨長沙蠻叛寇益

陽縣名屬長沙國在益水之陽
今潭州縣也故城在縣界司空韓演為司徒太常

北海孫朗為司空朗字
代平

延熹元年春三月己酉初置鴻德苑令漢官儀曰苑令
一人秩六百石

夏五月己酉大會公卿以下賞賜各有差甲戌晦日有

食之京師蝗六月戊寅大赦天下改元延熹丙戌分中

山置博陵郡以奉孝崇皇園陵博陵郡故城在今
博野縣後徙安平大

雩秋七月己巳雲陽地裂甲子太尉黃瓊免太常胡廣

為太尉冬十月校獵廣成遂幸上林苑十二月鮮卑寇

邊使匈奴中郎將張奐率南單于擊破之

二年春二月鮮卑寇鴈門己亥阜陵王便薨蜀郡夷寇

蠶陵殺縣令三月復斷刺史二千石行三年喪夏京師

雨水六月鮮卑寇遼東秋七月初造顯陽苑置丞丙午

皇后梁氏崩乙丑葬謚獻皇后于懿陵大將軍梁冀謀
為亂八月下丑帝御前賜詔司隸校尉張彪將兵圍冀
第叔大將軍印綬冀與妻皆自殺衛尉梁淑河南尹梁
胤屯騎校尉梁讓越騎校尉梁忠長水校尉梁戟等及
中外宗親數十人皆伏誅太尉胡廣坐免司徒韓續司
空孫朗下獄東觀記曰並坐不衛宮止長壽亭減死一等以爵贖之壬午立皇后
鄧氏追廢懿陵為貴人家詔曰梁冀奸暴濁亂王室孝
質皇帝聰敏早茂冀心懷忌畏私行殺毒永樂太后親
尊莫二和平元年有司奏太后所居皆以未樂為稱置官屬太僕少府馬冀又遏絕禁
還京師謂太后常居博學宮屬太僕少府馬使朕離母子之愛隔顧復之恩

禍害深大罪釁日滋賴宗廟之靈及中常侍單超徐

具瑗左悺說文曰寘憂也音工負反今作心旁官即寘字今相傳音絀唐衡尚書令

尹勲等激憤建策內外協同漏刻之間桀逆梟夷梟縣首於

也斯誠社稷之祐臣下之力宜班慶賞以酬忠勲其封

超等五人為縣侯勲等七人為亭侯五縣侯謂單超新豐侯徐璜武原侯

貝瑗東武陽侯左悺上蔡侯唐衡汝陽侯七亭侯謂尹勲宜陽都鄉霍請鄴都亭張敬山陽西鄉歐陽參修武

仁亭李璋宜陽金門虞放寬句品都亭周永下邳高遷鄉於是舊故恩私多受封爵

大司農黃瓊為太尉光祿大夫中山祝恬為司徒恬字伯休

盧奴大鴻臚梁國盛允為司空允字伯代初置祕書監官漢

儀祕書監一冬十月壬申行幸長安乙酉幸未央宮甲

人秩六百石天啟二年刊

午祠高廟十一月庚子遂有事十一陵壬寅中常侍單超為車騎將軍十二月己巳至自長安賜長安民粟人十斛園陵人五斛行所過縣二斛燒當等八種羌叛寇隴右護羌校尉段熲追擊於羅亭破之東觀記曰追到積石山即與羅亭相近天竺國來獻

三年春正月丙申大赦天下丙午車騎將軍單超薨閏月燒當羌叛寇張掖護羌校尉段熲追擊於積石大破之積石山在今鄯州龍支縣南即禹貢云導河積石是也白馬令李雲坐直諫下獄死夏四月上郡言甘露降五月甲戌漢中山崩六月辛丑司徒祝恬薨七月司空盛允為司徒太常虞放為

司空故字子仲陳留人也長沙蠻寇九郡界九月太山琅邪賊勞丙

等復叛寇掠百姓遣御史中丞趙某史明名持節督州郡

討之丁亥詔無事之官惟絕奉豐年如故冬十一月日

南蠻賊率眾詣郡降勒姐羌圍允街勒姐羌號也段熲音子野反

擊破之太山賊叔孫無忌攻殺都尉侯章十二月遣中

郎將宗資討破之武陵蠻寇江陵車騎將軍馮緄討皆

降散荆州刺史度尚討長沙蠻平之

四年春正月辛酉南宮嘉德殿火戊子丙署火丙署署名也續

漢志曰丙署長七人秩四百石黃綬宦者為之主中宮別處大疫二月壬辰武庫火

司徒盛允免大司農种暠為司徒三月省冗從右僕射

嘉靖九年制

官永壽二年置太尉黃瓊免夏四月太常劉矩為太尉甲寅

封河間王開子博為任城王五月辛酉有星孛于心丁

卯原陵長壽門火已卯京師雨雹東觀記曰犬如雞子續漢志曰誅殺遇差

寵小人也六月京兆扶風及涼州地震庚子岱山及博尤來

山並頽裂博今博城縣也太山有徂來山一名尤來已酉大赦天下司空虞

放免前太尉黃瓊為司空健為屬國夷寇鈔百姓益州

刺史山昱擊破之零吾羌與先零諸種並叛寇三輔秋

七月京師零減公卿以下奉首王侯半租占賣關內侯

虎賁羽林緹騎營士五大夫錢各有差九月司空黃瓊

免大鴻臚劉璽寵為司寇冬十月天竺國來獻南陽黃武

與襄城惠得昆陽樂季妖言相署皆伏誅先零沈氏羌

與諸種羌寇并涼二州十一月中郎將皇甫規擊破之

十二月夫餘王遣使來獻

五年春正月省大官右監丞永壽二年置壬午南宮丙署火

三月沈氏羌寇張掖酒泉壬午濟北王次薨夏四月長

沙賊起寇桂陽蒼梧東觀記曰時攻沒蒼梧取銅虎符太守甘定刺史侯輔各奔出城桂

陽郡在桂水之陽今連州縣驚馬逸象突入宮殿乙丑恭陵東闕火

安帝陵也戊辰虎賁掖門火已巳太學西門自壞五月康陵

園寢火殤帝陵也長沙零陵賊起攻桂陽蒼梧南海交趾遣

御史中丞盛修督州郡討之不剋乙亥京師地震詔公

天啓二年刻

卷之三十一

十三

卿各上封事甲申中藏府丞祿署火秋七月乙未南宮

承善闢火爾雅曰宮中門謂之闢廣雅曰闢謂之闢鳥吾羌寇漢陽隴西金

城諸郡兵討破之八月庚子詔減虎賁羽林住寺不任

事者半奉勿與冬衣東觀記曰以京師水旱疫病帑藏

半奉據此謂簡選疲弱不勝軍事者留住寺也其公卿以下給冬衣之半艾縣

賊焚燒長沙郡縣寇益陽殺令東觀記曰時賊乘刺史

賊萬人以上屯益陽殺長吏艾縣名屬豫章郡故城在今洪州建昌縣又零陵蠻亦叛寇

長沙已卯罷琅邪都尉官永壽元年置冬十月武陵蠻叛寇

江陵南郡太守李肅坐奔北弃市辛丑以太常馮緄為

車騎將軍討之假公卿以下奉又換王侯租以助軍糧

出濯龍中藏錢還之十一月馮緄大破叛蠻於武陵京

兆虎牙都尉宗謙坐贓下獄死京兆虎牙都尉屯長安見西羌傳滇那

羌寇武威張掖酒泉太尉劉焉免太常楊秉為太尉

六年春二月戊午司徒種高薨三月戊戌大赦天下衛

尉穎川許栩為司徒補字季子夏四月辛亥康陵東署火

五月鮮卑寇遼東屬國秋七月甲申平陵園復火平陵昭帝

陵桂陽盜賊李研等寇郡界武陵蠻復叛太守陳奉與

戰大破降之隴西太守孫羌討滇那羌破之八月車騎

將軍馮緄免冬十月丙辰校獵廣成遂幸西谷關上林

苑十一月司空劉寵免南海賊寇郡界十二月衛尉周

景為司空

七年春正月庚寅沛王禁薨三月癸亥隕石于鄧夏四

月丙寅梁王成亮五月己丑京師雨雪已秋七月辛卯趙

王乾薨野王山上有死龍荆州刺史庾亮尚擊零陵桂陽

盜賊及蠻夷大破平之冬十月壬寅南巡狩庚申幸章

陵祠舊宅遂有事于園廟賜守令以下各有差戊辰幸

雲夢臨漢水還幸新野祠湖陽新野公上魯哀王壽張

敬侯廟光武姊湖陽長公主生新野長公主上兄魯哀王壽張護羌校

尉段熲擊當前羌破之十一月辛丑車駕還宮

八年春正月遣中常侍工信之苦縣祠老子孫

縣屬鄉曲仁里人也名耳字琳姓李氏為周字藏吏書

神廟故就祠之苦縣屬陳國故城在今亳州谷陽縣苦

音戶又勃海王悝謀反降為癭陶王癭陶縣屬鉅鹿郡

如字丙申晦日有食之詔公卿校尉舉賢良方正己酉

南宮嘉德署黃龍見千秋萬歲殿火太僕左稱有皐自

殺癸亥皇后鄧氏廢河南尹鄧萬世鄧后之叔父虎賁中郎

將鄧會下獄死鄧后之元子護羌校尉段熲擊勒姐羌破之

三月辛巳大赦天下夏四月甲寅安陵園寢火惠帝陵也丁

巳壞郡國諸房祀房謂祠堂也王渙傳曰時唯密縣存

濟陰東郡濟北河水清五月壬申罷太山都尉官永壽元年

置丙戌太尉楊秉薨丙辰緱氏地裂桂陽胡蘭朱蓋等

復反攻沒郡縣轉寇零陵零陵太守陳球拒之遣中郎

將度尚長沙太守抗徐等擊蘭蓋大破斬之謝承書曰抗徐字伯

徐丹陽人少為郡佐史有膽智策畧三府表徐有將率之任特遷長沙太守風俗通曰衛大夫三抗之後漢有

抗喜為漢中太守蒼梧太守張敘為賊所執又桂陽太守任胤

背敵畏懦皆弃市閏月甲午南宮長秋和歡殿後鉤楯

掖庭朔平署火長秋官名漢官儀曰朔半署司馬一人六月段熲擊當煎

羌於湟中大破之湟水名在今鄯州湟水縣秋七月太中大夫陳蕃

為太尉八月戊辰初令郡國有田者畝歛稅錢畝十九錢也

月丁未京師地震冬十月司空周景免太常劉茂為司

空茂字叔盛彭城人辛巳立貴人竇氏為皇后勃海妖賊蓋登

等蓋古盍反稱太上皇帝有玉印珪璧鐵券相署置皆伏誅

續漢書曰時登等有玉印五皆如白石文曰皇帝信璽皇帝行璽其三無文字璧二十二珪五鐵券十一開王

廟帶玉綬衣絳衣相署置也十一月壬子德陽殿西閣黃門北寺火

延及廣義神虎門燒殺人廣義神虎洛陽官西門在金商門外袁山松書曰是時運

月火災諸官寺或一日三發又夜有訛言擊鼓相驚陳蕃等上疏諫曰唯善政可以已之書奏不省使中

常侍管霸之苦縣祠老子

九年春正月辛亥朔日有食之詔公卿校尉郡國舉至

孝沛國戴異得黃金印無文字遂與廣陵人龍尚等共

祭井作符畫稱太上皇伏誅東觀曰戴異鈕田得金印到廣陵以與龍尚已

西詔曰比歲不登人多饑窮又有水旱疾疫之困盜賊

崇禎三年刊

後漢書卷七

十六

徵發南州尤甚

謂長沙桂陽零陵等郡並屬荊州

災異日食譴告累至

政亂在予仍獲咎徵其令大司農絕今歲調度徵求及

前年所調未畢者勿復收責其灾旱盜賊之郡勿收租

餘郡悉半入三月癸巳京師有火光轉行人相驚譟司

隸豫州饑死者什四五至有滅戶者遣三府掾賑稟之

陳留太守韋毅坐賊自殺夏四月濟陰東郡濟北平原

河水清司徒許樹免五月太常胡廣為司徒六月南匈

奴及烏桓鮮卑寇緣邊九郡秋七月沈氏羌寇武威張

掖詔舉武猛三公各二人卿校尉各一人太尉陳蕃免

庚午祠黃老於濯龍宮遣使匈奴中郎將張奐擊南匈

奴烏桓鮮卑九月光祿勳周景為太尉南陽太守成瑨

太原太守劉質並以譖弃市

時小黃門趙津犯法質考殺之宦官怨恚有司承旨

奏質

司空劉茂免大秦國王遣使奉獻

時國王安敦獻象才犀角玳瑁

冬十二月雒城傍竹柏枯傷光祿勳汝南宣豐為司空

豐字伯應封東陽亭侯

南匈奴烏桓率眾詣張奐降司隸校尉李

膺等二百餘人受誣為黨人並坐下獄書名王府

河内牢修

告之器具劉淑傳

永康元年春正月先零羌寇三輔中郎將張奐破平之

當煎羌寇武威護羌校尉段熲追擊於鸞鳥大破之

鸞鳥

縣名屬武威郡鸞音雀

西羌悉平夫餘王寇玄菟太守公孫域與

戰破之夏四月先零羌寇三輔五月丙申京師及上黨地裂廬江賊起寇郡界壬子晦日有食之詔公卿校尉

舉賢良方正六月庚申大赦天下悉除黨錮改元永康

時李膺等頗引宦者子弟宦官多懼請帝以天時當赦帝許之故除黨錮也丙寅阜陵王統

薨秋八月魏郡言嘉禾生甘露降巴郡言黃龍見續漢志曰

時人欲就沱浴見沱水濁因相戲恐此中有黃龍語遂行人聞郡欲以為美故上言之時史以書帝紀桓帝政

化衰缺而多言瑞應皆此類也先儒言瑞與非時則為妖孽而人言生龍皆龍孽也六州大水勃

海海溢詔州郡溺死者七歲以上錢人二千一家皆被

害者悉為收斂其亡失穀食稟人三斛冬十月先零羌

寇三輔使匈奴中郎將張奐擊破之十一月西河言白

兔見十二月壬申復癩陶王悝為勃海王丁丑帝崩于

德陽前殿年三十六戊寅尊皇后曰皇太后太后臨朝

是歲復博陵河間二郡比豐沛

論曰前史稱桓帝好音樂善琴笙前史謂東觀記飾芳林而考

濯龍之宮薛綜注東京賦云濯龍殿名芳林謂兩旁樹木蘭也考成也既成而祭之左傳曰考仲子

之設華蓋以祠浮圖老子浮圖今佛也續漢志曰祀老子於濯龍宮文蜀為壇飾淳

金銀器設華蓋之坐用郊天樂斯將所謂聽於神乎左傳曰史嚭曰國將興聽於人將亡

聽於神及誅梁冀奮威怒天下猶企其休息而五邪嗣虐

流行四方五邪謂單超徐璜左倌唐衡貝瑗也自非忠賢力爭屢折姦鋒

忠賢謂李膺陳蕃竇武黃瓊朱穆劉淑劉陶等各上書極諫以折宦官等姦謀之鋒也雖願依斟

順治十七年刊 後漢書卷之七

六

流彘亦不可得已

帝王紀曰夏帝相為羿所逐相乃都商丘依同姓諸侯樹灌斟尋氏史記

曰周厲王好利暴虐周人相與畔而襲厲王王出奔于虢言帝寵幸宦豎令執威權賴忠臣李膺等竭力諫爭以免篡弒之禍不然則雖願如夏相依斟周王流彘不可得也樹灌斟尋國故城在今青州彘晉地也

贊曰桓自宗支越躋天祿

越謂非次也躋升也天祿天位也左傳子家羈曰天祿不

再政移五倖刑淫三獄

倖佞也淫濫也五倖卽上五邪也三獄謂李固杜喬李雲杜衆

成瑨劉質也

傾宮雖積皇身靡續

帝王紀曰紂多發美女以充傾宮之室婦人衣綾統

者三百餘人據桓帝納三皇后又博採宮女五六千人並無子也

順治庚子年七月十三日

江寧府學教授朱謨校閱

桓帝紀第七終

後漢書七

靈帝紀第八

後漢書八

孝靈皇帝諱宏

謚法曰亂而不損曰靈伏侯古今注曰宏之字曰大

肅宗玄孫也

曾祖河間孝王開祖淑父萇世封解瀆亭侯

淑以河間王子封為

解瀆亭役萇襲父封故言世封也

帝襲侯爵母董夫人

桓帝崩無子皇太后與父城門校尉竇武定策禁中使

守光祿大夫劉儵持節左右羽林至河間奉迎

續漢志曰桓帝

之初京都童謠曰城上烏尾畢逋公為吏子為徒一徒死百乘車車班班入河間河間妃女工數錢以錢為室金為堂石上慊慊春黃梁梁下有懸鼓我欲擊之丞卿怒城上烏者處高獨食不與下共謂人主多聚斂也公為吏子為徒者言蠻夷叛逆父既為軍吏子弟又為卒徒往擊之也一徒死百乘車者言前一人討胡既死矣後又遣百乘車往也車班班者言乘輿班班入河間迎靈帝也妃女數錢言帝既立其母永樂太后好聚金以

順治十七年刊

後漢書

為堂室也石上慊慊者言太后雖積金錢猶慊慊常若不足使人春黃梁而食之也我欲擊之者言太后教帝使賣官受錢天下忠篤之士怨望欲擊鼓求見卿懸鼓者復怒而止我也

建寧元年春正月壬午城門校尉竇武為大將軍巳亥

帝到夏門亭東觀記日到夏門外萬壽亭群臣謁見使竇武持節以王青

蓋車迎入殿中庚子即皇帝位年十二改元建寧以前

太尉陳蕃為太傅與竇武及司徒胡廣參錄尚書事使

護羌校尉段熲討先零羌二月辛酉葬孝桓皇帝于宜

陵在洛陽東南三十里廟曰威宗庚午謁高廟辛未謁世祖廟大赦

天下賜民爵及帛各有差段熲大破先零羌於逢義山

山在今原州高平縣逢一作途閏月甲午追尊皇祖為孝元皇夫人夏

氏為孝元皇后考為孝仁皇夫人董氏為慎園貴人慎園

在今瀛州樂壽縣東南俗呼為二皇陵夏四月戊辰太尉周景薨司空宣

鄴免長樂衛尉王暢為司空五月丁未朔日有食之詔

公卿以下各上封事及郡國守相舉有道之士各一人

又故刺史二千石清高有遺惠為眾所歸者皆詣公車

太中大夫劉矩為太尉六月京師雨水秋七月破羌將

軍段熲復破先零羌於涇陽涇陽縣名屬安定故城在原州涼縣南八月

司空王暢免宗正劉寵為司空九月丁亥中常侍曹節

矯詔誅太傅陳蕃大將軍竇武及尚書令尹勲侍中劉

瑜屯騎校尉馮述皆夷其族皇太后遷于南宮太后與竇武密

謀欲誅曹節今武等既誅故太后被遷司徒胡廣為太傅錄尚書事司空

劉寵為司徒大鴻臚許栩為司空冬十月甲辰晦日有

食之令天下繫囚罪未決入縑贖各有差十一月太尉

劉矩免太僕沛國聞人襲為太尉姓聞人名襲字定卿風俗通曰少正卯魯

之聞人其後氏焉十二月鮮卑及濊貊寇幽并二州

二年春正月丁丑大赦天下三月乙巳尊慎園董貴人

為孝仁皇后續漢志曰置永樂宮儀如桓帝尊區貴人之禮夏四月癸巳大風

雨電詔公卿以下各上封事五月太尉聞人襲罷司空

許栩免六月司徒劉寵為太尉太常許訓為司徒訓字季師

半與太僕長沙劉翬為司空翬字重寧秋七月破羌將軍段

熲大破羌零羗於射虎塞外谷東羗悉平九月江夏蠻

叛州郡討平之丹陽山越賊圍太守陳寅寅擊破之冬

十月丁亥中常侍侯覽諷有司奏前司空虞放太僕杜

密長樂少府李膺司隸校尉朱瑀潁川太守巴肅沛相

荀翌河內太守魏朗山陽太守翟超皆為鉤黨下獄謂

相牽引也事見劉淑李膺傳死者百餘人妻子徙邊諸附從者錮及

五屬五屬謂五服內親也制詔州郡大舉鉤黨於是天下豪傑及

儒學行義者一切結為黨人續漢志曰建寧中京都長

有識者竊言葦笥郡國讞箠也後黨人禁錮庚子晦日

會赦有疑者皆讞廷尉人名悉入方笥中

有食之十一月太尉劉寵免太僕郭禧為太尉字公房扶溝人

崇禎三年刊 後漢帝紀八 三

兩廂侯謝修

禧音解甲寇并州是歲長樂太僕曹節為車騎將軍百

餘日罷

三年春正月河內人婦食夫河南人夫食婦三月丙寅

晦日有食之夏四月太尉郭禧罷太中大夫聞人襲為

太尉秋七月司空劉囂罷八月大鴻臚橋玄為司空九

月執金吾董寵下獄死冬濟南賊起攻東平陵東平陵縣各屬

濟南郡故城鬱林烏滸民相率內屬烏滸南方夷號也廣州記曰其俗食

人以鼻飲水口中進嗽如故

四年春正月甲子帝加元服大赦天下賜公卿以下各

有差唯黨人不赦二月癸卯地震海水溢河水清二月

辛酉朔日有食之太尉聞人襲免太僕李咸為太尉字

卓汝南西平人詔公卿至六百石各上封事大疫使中謁者巡

行致醫藥司徒許訓免司空橋玄為司徒夏四月太常

來艷為司空豔字季德南陽新野人五月河東地裂雨雹山水暴

出秋七月司空來艷免癸丑立貴人宋氏為皇后執金吾宋

鄴女前年人掖庭為貴人司徒橋玄免太常宗俱為司空俱字伯儷南陽安定

人前司空許栩為司徒冬鮮卑寇并州

熹平元年春三月壬戌太傅胡廣薨夏五月己巳大赦

天下改元熹平長樂太僕侯覽有罪自殺六月京師雨

水癸巳皇太后竇氏崩秋七月甲寅葬桓思皇后宦官

崇禎三年刊

後漢書已

四

諷司隸校尉段熲捕繫太學諸生千餘人時有人書朱雀闕云天下

大亂公卿皆尸祿故冬十月勃海王悝被誣謀反丁亥

悝及妻子皆自殺十一月會稽人許生自稱越王寇郡

縣東觀記曰會稽許昭聚眾自稱大將軍立父生為越王攻破郡縣遣揚州刺史臧旻

丹陽太守陳寅討破之十二月司徒許栩罷大鴻臚袁

隗為司徒鮮卑寇并州是歲甘陵王恢薨

二年春正月大疫使使者巡行致醫藥丁丑司空宗俱

薨二月壬午大赦天下以光祿勳楊賜為司空三月太

尉李咸免夏五月以司隸校尉段熲為太尉沛相師遷

坐誣涓國王下獄死國王陳愍王寵也臣賢案陳敬王傳云涓國相師遷又東觀記曰陳

相師遷奏沛相魏情前為陳相與陳王寵交六月北海

地震東萊北海海水溢續漢志曰時出大魚二枚各長八九丈高二寸餘秋七

月司空楊賜免太常潁川唐珍為司空冬十二月日南

徼外國重譯貢獻太尉段熲罷鮮卑寇幽并二州癸酉

朔日有食之

三年春正月夫餘國遣使貢獻二月己巳大赦天下太

常陳耽為太尉耽字漢公東海人三月中山王暢薨無子國除

夏六月封河間王利子康為濟南王奉孝仁皇祀秋雜

水溢冬十月癸丑令天下擊囚罪未決入縑贖十一月

揚州刺史臧旻率丹陽太守陳寅大破許生於會稽斬

後漢帝紀
五
之任城王博薨十二月鮮卑寇北地北地太守夏育追擊破之鮮卑又寇并州司空唐珍罷永樂少府許訓為司空

四年春三月詔諸儒正五經文字刻石立于太學門外封河間王建孫佗為任城王建桓帝弟夏四月郡國七大水

五月丁卯大赦天下延園陵災成帝陵也在今武陽縣西遣使者持

節告祠延陵鮮卑寇幽州六月弘農三輔螟遣守宮令

之鹽監穿渠為民興利前漢地理志及續漢郡國志並無鹽監今蒲州安邑縣西南有

鹽城○劉攽曰注鹽城當作鹽池耳及無鹽字下當有一監字說文監字訓為鹽池然則注家案地志求監所在則無之二漢志不謂池為令郡國遇災者減田租之監也而據今所見則有池云

半其傷害什四以上勿收責冬十月丁巳令天下繫囚

罪未決入縲贖拜冲帝母虞美人為憲園貴人順帝虞美人也

憲園在洛陽東北質帝母陳夫人為渤海孝王妃

改平準為中準漢官儀曰平準令一人秩六百石使宦官為令列於內

署自是諸署悉以閹人為丞令

五年夏四月癸亥大赦天下益州郡夷叛太守李顥討

平之復崇高山名為嵩高山前書武帝祠中嶽改嵩高為崇高東觀記曰使中郎

將堂谿典請兩因上言改之名為嵩高山大雩使侍御史行詔獄亭部理冤

枉原輕繫休囚徒五月太尉陳耽罷司空許訓為太尉

閏月永昌太守曹鸞坐訟黨人弃市訟謂申理也其言切直帝怒檻車送

槐里獄掠殺之詔黨人門生故吏父兄子弟在位者皆免官禁

錮六月壬戌太常南陽劉逸字大迥安衆人為司空秋七月太

尉許訓罷光祿勳劉寬為太尉冬十月壬午御殿後槐

樹自拔倒豎司徒袁隗罷十一月丙戌光祿大夫楊賜

為司徒十二月甘陵王定薨試太學生年六十以上百

餘人除郎中太子舍人至王家郎郡國文學吏漢官儀曰太子

舍人王家郎中並秩二百石無員是歲鮮卑寇幽州沛國言黃龍見譙

六年春正月辛巳大赦天下二月南宮平城門及武庫

東垣屋自壞平城門洛陽城南門也蔡邕曰平城門正陽之門與宮連郊祀法駕所從出門之最尊者武庫禁兵所藏東垣庫之外障易傳曰小人在位厥妖城門自壞夏四月大旱七州

蝗鮮卑寇三邊謂東西與北邊市賈民為宣陵孝子者數十人

皆除太子舍人秋七月司空劉逸免衛尉陳球為司空

八月遣破鮮卑中郎將田晏出雲中使匈奴中郎將臧

旻與南單于出鴈門護烏桓校尉夏育出高柳並伐鮮

卑晏等大敗冬十月癸丑朔日有食之太尉劉寬免帝

臨辟雍辛丑京師地震辛亥令天下繫囚罪未決入縲

贖十一月司空陳球免十二月甲寅太常河南孟馘為

太尉馘字叔達音乙六反庚辰司徒楊賜免太常陳耽為司空鮮

卑寇遼西永安大僕王旻下獄死永安官之太僕也

光和元年春正月合浦交趾烏潯蠻叛招引九真日南

順治十七年刊

後漢書卷八

民攻沒郡縣太尉孟軻罷二月辛亥朔日有食之癸丑

光祿勳陳國袁滂為司徒滂字公喜已未地震始置鴻都門

學生鴻都門名也於內置學時其中諸生皆勅州郡三公舉召能為尺牘辭賦及工書鳥篆者相課試至

千人馬三月辛丑大赦天下改元光和太常常山張顛為

太尉顛字智明搜神記曰顛為梁相新雨後有鵲飛翔近地令人擿之墮地化為圓石顛命推破得一金

印文曰忠印文曰忠夏四月丙辰地震侍中寺雌雞化為雄司空

陳耽免太常來豔為司空五月壬午有白衣人入德陽

殿門亡去不獲東觀記曰白衣人言梁伯夏教我六月

丁丑有黑氣墮所御温德殿庭中東觀記曰墮所御温明殿庭中如車蓋隆

起奮迅五色有頭體長十餘丈形貌似龍秋七月壬子青虹見御坐玉堂後

殿庭中洛陽宮殿名南宮有玉堂前後殿據楊賜傳云墮嘉德殿前八月有星孛于

天市九月太尉張顯罷太常陳球為太尉司空來豔薨

冬十月屯騎校尉袁逢為司空皇后宋氏廢后父執金

吾艷下獄死丙子晦日有食之十一月太尉陳球免十

二月丁巳光祿大夫橋玄為太尉是歲鮮卑寇酒泉京

師馬生人京房易傳曰諸侯相伐厥妖馬生人初開西邸賣官自關內侯

虎賁羽林入錢各有差山陽公載記曰時賣官二千石二千萬四百石四百萬其以德

次應選者半之或二分之一於西園立庫以貯之私令左右賣公卿公千萬卿

五百萬

二年春大疫使常侍中謁者巡行致醫藥三月司徒袁

滂免大鴻臚劉邵為司徒邵字季承乙丑太尉橋玄罷太中

大夫段熲為太尉京兆地震司空袁逢罷太常張濟為

司空濟字元江細陽人夏四月甲戌朔日有食之辛巳中常侍

王甫及太尉段熲並下獄死丁酉大赦天下諸黨人禁

錮小功以下皆除之時上祿長和浮上言黨人錮及五族有乖典訓帝從之東平

王端薨五月衛尉劉寬為太尉秋七月使匈奴中郎將

張脩有罪下獄死時張修擅斬單于呼微更立羌渠為單于故坐死冬十月甲

申司徒劉邵永樂少府陳球衛尉陽球步兵校尉劉納

謀誅宦官事泄皆下獄死邑郡板楯蠻叛遣御史中丞

蕭瑗督益州刺史討之不剋十二月光祿勳楊賜為

徒鮮卑寇幽并二州是歲河間王利薨洛陽女子生兒

兩頭四臂京房易傳曰二首下不

三年春正月癸酉大赦天下二月公府駐駕廡自壞三公府也駐駕停車處也廡即屋也音無禹反續漢志云南北四十餘間壞三月梁王元薨

夏四月江夏蠻叛六月詔公卿舉能通尚書毛詩左氏

穀梁春秋各一人悉除議即秋表是地震涌水出表是

酒泉郡故城在今八月令繫囚罪未決入隸贖各有差

冬閏月有星孛于狼弧二星鮮卑寇幽并二州十二月

已巳立貴人何氏為皇后南陽宛人也車騎將軍何貢女也是歲作

聖靈晉比苑聖靈晉比苑有二東聖靈苑周三千五百步並在洛陽

魚梁臺西畢圭苑周三千三百步並在洛陽

後漢書卷之八

宣平門外也

四年春正月初置驛廐承領受郡國調馬驛善馬也調謂微

發也豪右辜權馬一匹至二百萬前書音義曰辜障也推專也謂障餘人賣買而

自取其利二月郡國上芝英草貢四月庚子大赦天下交趾

刺史朱雋討交趾合浦烏滸蠻破之六月庚辰雨雹續

書曰雹大如雞子秋七月河南言鳳皇見新城群鳥隨之賜新

城令及三老力田帛各有差九月庚寅朔日有食之太

尉劉寬免衛尉許儼為太尉閏月辛酉北宮東掖庭求

巷署火未巷宮中署名也漢官儀曰令一人宦官為之

當作史即給尚書侍御史之類司徒楊賜薨冬十月太常陳耽為司徒

鮮卑寇幽并二州是歲帝作列肆於後宮使諸采女販

賣更相盜竊爭鬪帝著商估服飲宴為樂又於西園弄

狗著進賢冠帶綬三禮圖曰進賢冠文官服之前高七

寵用便嬖子弟轉相汲引賣關內侯直五百萬令長強

者貪如豺狼弱者畧不類物實徇而冠也昌邑王見徇

冠方山冠龔遂曰王又駕四驢帝躬自操轡驅馳周旋

京師轉相放效續漢志曰驢者乃服重致遠上下山谷

之乎天意若曰國且大亂賢五年春正月辛未大赦天下二月大疫三月司徒陳耽

免夏四月旱太常袁隗為司徒五月庚申末樂宮署灾

續漢志曰德陽前殿西北秋七月有星孛于太微巴郡

板楯蠻詣太守曹謙降癸酉今繫囚罪未決入縲贖八
月起四百尺觀於阿亭道冬十月太尉許儼罷太常楊
賜為太尉校獵上林苑歷函谷關遂巡狩于廣成苑十
二月還幸太學

六年春正月日南徼外國重譯貢獻二月復長陵縣比
豐沛三月辛未大赦天下夏六旱秋金城河水溢五原
山岸崩始置圃囿署以宦者為令冬東海東萊琅邪并
中水厚尺餘大有年

中平元年春二月鉅鹿人張角自稱黃天其部師有三
十六萬皆著黃巾同日反叛續漢書曰三安平甘陵人

各執其王以應之安平王續三月戊申以河南尹何進

為大將軍將兵屯都亭置八關都尉官都亭在洛陽八

伊闕大谷轅轅旋壬子大赦天下黨人還諸徙者特中

門小平津孟津也唯張角不赦詔公卿

出馬弩舉列將子孫及吏民有明戰陣之略者詣公車

遣北中郎將盧植討張角左中郎將皇甫嵩右中郎將

朱雋討潁川黃巾庚子南陽黃巾張曼成攻殺郡守褚

貢夏四月太尉楊賜免太僕弘農鄧盛為太尉盛字司

空張濟罷大司農張溫為司空朱雋為黃巾波才所敗

侍中向栩張鈞坐言宦者下獄死時鈞上書曰今斬常

謝天下即兵自消也帝汝南黃巾敗太守趙謙於邵陵
以章示常侍故下獄也邵陵縣名屬汝南郡故城在今豫州鄆城縣東

太守劉衛五月皇甫嵩朱雋復與波才等戰於長社大

破之長社今許州縣故城在長葛縣西六月南陽太守秦頡擊張曼成

斬之交趾屯兵執刺史及合浦太守來達自稱柱天將

軍遣交趾刺史賈琮討平之皇甫嵩朱雋大破汝南黃

巾於西華西華縣屬汝南郡故城在今陳州項城縣西詔嵩討東郡朱雋討

南陽盧植破黃巾圍張角於廣宗宦官誣植抵罪植連破張

角垂當援之小黃門左豐言於帝曰盧中郎固遣中郎

將董卓攻張角不剋洛陽女子生兒兩頭并身續漢志曰上西

門外女子生兒兩頭異肩共胸以為不祥墮地奔之其後政在私門上下無別兩頭之象秋七月巴

郡妖巫張修反寇郡縣劉艾紀曰時巴郡巫人張脩

米河南尹徐灌下獄死八月皇甫嵩與黃巾戰於倉亭

獲其帥其帥卜巳也倉亭在東郡乙巳詔皇甫嵩北討張角九月安

平王續有罪誅國除冬十月皇甫嵩與黃巾賊戰于廣

宗獲張角弟梁角先死乃戮其屍發棺斷頭傳送馬市以皇甫嵩

為左車騎將軍十一月皇甫嵩又破黃巾于下曲陽斬

張角弟寶湟中義從胡北宮伯玉與先零羌叛以金城

天邊章韓遂為軍帥攻殺護羌校尉伶徵金城太守陳

懿伶姓也周有大夫伶州鳩癸巳朱儁拔宛城斬黃巾別帥孫夏詔

天啓二年刊一後漢書卷八十二

減太官珍羞御史一肉廐馬非郊祭之用悉出給軍十

二月巳巳大赦天下改元中平是歲下邳王意薨無子

國除郡國生異草備龍蛇鳥獸之形風俗通曰亦作人狀操持兵弩一作

備具續漢志曰龍蛇鳥獸其狀毛羽頭目足翅皆具是歲黃巾賊起漢遂微弱

二年春正月大疫瑯邪王據薨二月巳西南宮大災火

半月乃滅續漢志曰時燒靈臺殿樂成殿延及北闕度道西燒嘉德和驩殿巳亥廣陽

門外屋自壞洛陽城西面南頭門也稅天下田畝十錢以修宮室黑山

賊張牛角等十餘輩並起所在寇鈔司徒袁隗免三月

廷尉崔烈為司徒北宮伯玉等寇三輔遣左車騎將軍

皇甫嵩討之不剋夏四月庚戌大風雨雹五月太尉鄧

盛罷太僕河南張延為太尉延字公威歆之子秋七月三輔螟

左車騎將軍皇甫嵩免八月以司空張溫為車騎將軍

討北宮伯玉九月特進楊賜為司空冬十月庚寅司空

楊賜薨光祿大夫許相為司空相字公弼平輿人許訓之子前司徒

陳耽諫議大夫劉陶坐直言下獄死十一月張溫破北

宮伯玉於美陽因遣盪寇將軍周慎追擊之圍榆中縣名

故城在今蘭州金城縣東又遣中郎將董卓討先零羗慎卓並不剋

鮮卑寇幽并二州是歲造萬金堂於西園洛陽民生兒

兩頭四臂

三年春二月江夏兵趙慈反殺南陽太守秦頡庚戌大

崇禎三年刊 後漢紀八 三

赦天下太尉張延罷車騎將軍張溫為太尉中常侍趙

忠為車騎將軍復修玉堂殿鑄銅人四黃鐘四其音中黃鍾也

子為黃鍾及天祿蝦蟆又鑄四出文錢天祿獸也時使掖廷令畢嵐鑄銅人列于

蒼龍玄武闕外鍾懸於玉堂及雲臺殿前天祿蝦蟆吐

水於平門外事具宦者傳案今鄧州南陽縣北有宗資

碑旁有兩石獸鑄其膊一日天祿閣亦因獸以立名五

天祿碑邪並獸名也漢有天祿閣亦因獸以立名五

月壬辰晦日有食之六月荊州刺史王敏討趙慈斬之

車騎將軍趙忠罷秋八月懷陵上有雀萬數悲鳴因鬪

相殺懷陵冲帝陵也續漢志曰天戒若日冬十月武陵

蠻叛寇郡界郡兵討破之前太尉張延為宦人所讚下

獄死十二月鮮卑寇幽并二州

四年春正月己卯大赦天下二月滎陽賊殺中牟令中牟今鄭州縣劉艾紀曰令落皓及

壞今薄潘業臨陣不顧皆被害已亥南宮內殿果恩自

之拜苗為車騎將軍夏四月涼州刺史耿鄙討金城賊

韓遂鄙兵大敗遂寇漢陽漢陽太守傅燮戰沒扶風人

馬騰漢陽人王國並叛寇三輔太尉張溫免司徒崔烈

為太尉五月司空許相為司徒光祿勳沛國丁宮為司

空官字元雄六月洛陽民生男兩頭共身劉艾紀曰土西門外劉倉妻生也

漁陽人張純與同郡張舉舉兵叛攻殺右北平太守劉

政遼東太守楊終護烏桓校尉公綦稠等舉兵自稱天

子寇幽冀二州

劉放曰案張舉自稱天子誤出一兵字

秋九月丁酉令天

下繫囚罪未決入縑贖冬十月零陵人觀鵠

觀姓鵠名

自稱

平天將軍寇桂陽長沙太守孫堅擊斬之十一月太尉

崔烈罷大司農曹嵩為太尉十二月休屠各胡叛是歲

賣關內侯假金印紫綬傳世入錢五百萬

五年春正月休屠各胡寇西河殺郡守邢紀丁酉大赦

天下二月有星孛于紫宮黃巾餘賊郭大等起於西河

白波谷寇太原河東三月休屠各胡攻殺并州刺史張

懿遂與南匈奴左部胡合殺其單于夏四月汝南葛陂

黃巾攻沒郡縣

葛陂在今豫州新蔡縣西北

太尉曹嵩罷五月永樂

少府樊陵為太尉

陵字德雲胡陽人也

六月丙寅大風太尉樊陵

罷益州黃巾馬相攻殺刺史郗儉自稱天子又寇巴郡

殺郡守趙部益州從事賈龍擊相斬之郡國七大水秋

七月射聲校尉馬日磾為太尉八月初置西園八校尉

樂資山陽公載記曰小黃門蹇碩為上軍校尉虎賁中郎將袁紹為中軍校尉屯騎校尉鮑鴻為下軍校尉議郎曹操為典軍校尉趙融為助軍左校尉馮芳為助軍右校尉諫議大夫夏牟為左校尉淳于瓊為右校尉凡

八校尉皆統於蹇碩

司徒許相罷司空丁宮為司徒光祿勳南陽

劉弘為司空

字子高安衆人

衛尉董重為驃騎將軍九月南單

于叛與白波賊寇河東遣中郎將孟益率騎都尉公孫

瓚討漁陽賊張純等冬十月壬午御殿後槐樹自扳倒

豎青徐黃巾復起寇郡縣甲子帝自稱無上將軍燿兵於平樂觀平樂觀在洛陽城西十一月涼州賊王國圍陳倉右將

軍皇甫嵩救之遣下軍校尉鮑鴻討葛陂黃巾巴郡板

楯蠻叛遣上軍別部司馬趙瑾討平之公孫瓚與張純

戰於石門大破之時烏桓反叛與賊張純等攻薊中故瓚追擊之石門山名在今營州西南

是歲改刺史新置牧

六年春二月左將軍皇甫嵩大破王國於陳倉三月幽

州牧劉虞購斬漁陽賊張純下軍校尉鮑鴻下獄死夏

四月丙午朔日有食之太尉馬日磾免幽州牧劉虞為

太尉丙辰帝崩于南宮嘉德殿年三十四戊午皇子辯

即皇帝位年十七尊皇后曰皇太后太后臨朝大赦天

下改元為光喜封皇弟協為渤海王後將軍袁隗為太

傅與大將軍何進參錄尚書事上軍校尉蹇碩下獄死

時蹇碩謀欲立渤海王協發覺。劉放曰正五月辛巳文蹇碩下獄案碩以此時誅當有此死字

驃騎將軍董重下獄死董重皇后弟也六月辛亥孝仁皇后

董氏崩辛酉葬孝靈皇帝于文陵在洛陽西北三十里陵高十二丈周回三

百步雨水秋七月甘陵王忠薨庚寅孝仁皇后歸葬河間

慎陵徙渤海王協為陳留王司徒丁宮罷八月戊辰中

常侍張讓段珪等殺大將軍何進於是虎賁中郎將袁

術燒東西宮攻諸宦者庚午張讓段珪等劫少帝及陳

留王幸北宮德陽殿何進部曲將吳匡與車騎將軍何
苗戰於朱雀闕下苗敗斬之辛未司隸校尉袁紹勒兵
收偽司隸校尉樊陵河南尹許相及諸閣人無少長皆
斬之讓珪等復劫少帝陳留王走小平津小平津在今
鞏縣西北
漢志曰時京師董誥曰侯非侯王非王千乘萬騎上北
印案獻帝未有爵號為段珪等所執公卿百官皆隨其
後到河上尚書盧植追讓珪等斬數人其餘投河而死
獻帝春秋曰河南中部掾閔貢見天子出率騎追之北
到河上天子饑渴貢宰羊進之賜聲青讓等曰君以閣
宦之隸刀踞之殘越從旁泥扶侍日月賣弄國恩階賤
為貴劫迫帝王蕩覆王主假息漏刻遊魂河津自亡新
以來姦臣賊子未有如君今不速死吾射殺汝讓等惶
怖义手再拜叩頭向天子辭曰臣等死陛下自愛遂投
河帝與陳留王協夜步逐熒光行數里得民家露車六

乘之辛未還宮大赦天下改光喜為昭寧并州牧董卓
殺執金吾丁原司空劉弘免董卓自為司空九月甲戌
董卓廢帝為弘農王自六月雨至于于是月

論曰秦本紀說趙高譎二世指鹿為馬史記曰趙高欲
為亂恐羣臣不
聽乃先設驗持鹿獻胡亥曰馬也胡亥曰丞相誤也以
問羣臣左右或言馬或言鹿者高皆陰法中之自此左
右不敢
言之也而趙忠張讓亦給靈帝不得登高臨觀時宦官
並起第
宅擬則宮室帝常登永安侯臺宦官恐望見之乃使
忠等諫曰人君不當登高登高則百姓散離自是不敢
復登臺榭
見宦官傳故知亡傲者同其致矣然則靈帝之為靈也
優哉

贊曰靈帝負乘委體宦孽易曰負且乘致寇至言帝微
以小人而乘君子之器

立備兆小雅盡缺

詩小雅曰小雅廢則四夷交侵中國微矣缺亦廢也麋鹿霜露

遂棲宮衛

史記曰伍子胥諫吳王吳王不聽子胥曰臣衣也言帝為政貪亂任寄不得其人尋以獻帝遷徙洛陽丘墟故麋鹿棲宮衛也協韻衛音于別反○劉放曰

熹平五年書十月壬午御殿後槐樹自拔倒豎中平五年又書十月壬午御殿後槐樹自拔倒豎年越日月無少異者蓋必有一誤臣叙案中平五年十月又書甲子帝稱無上將軍云云壬午到甲子凡四十五日非一月所能兼也則中平所記為衍矣又案續漢志中平五年亦無此異

順治己亥閏三

月念八日較閱

朱謨

靈帝紀第八終

後漢書八

獻帝紀第九

後漢書九

天啓壬戌十月重修

孝獻皇帝諱協靈帝中子也

謚法曰聰明睿智曰獻協之字曰合張璠記曰靈帝

以帝似已故名曰協帝王紀曰協字伯和

母王美人為何皇后所害中平六

年四月少帝即位封帝為渤海王徙封陳留王九月甲

戌即皇帝位年九歲遷皇太后於永安宮

董卓遷也洛陽宮殿名曰

永安宮周迴六百九十八丈故基在洛陽故城中

大赦天下改昭寧為永漢丙

子董卓殺皇太后何氏初令侍中給事黃門侍郎員各

六人

續漢志曰侍中比二千石無負漢官儀曰侍中左

乘輿服物下至褻器虎子之屬武帝時孔安國為侍中以其儒者特聽掌御坐唾壺朝廷榮之至東京特屬少府亦無負駕出則一人負傳國璽操斬蛇劍乘輿中官俱止禁中又曰給事黃門侍郎六百石無員掌侍從左

天啟二年刊

後漢書已九

本給事中使關通中外應邵曰黃門侍郎每日暮向青
瑣門拜謂之夕郎與服志曰禁門曰黃闥以中人主之
故號曰黃門令然則黃門郎給事黃闥之內故曰黃門
郎本既無員於此各置六人也獻帝起居注曰自誅黃
門後侍中侍郎出入禁中機事頗露由是王允乃奏侍
中黃門不得出入不通賓客自此始也○劉放曰註乘
輿中官俱止禁中案文當云參乘與賜公卿以下至黃
中官俱止禁中少一參字誤一輿字

門侍郎家一人為郎以補宦官所領諸署侍於殿上靈帝

熹平四年改平準為中準使宦官為令自是諸內乙酉署令丞悉以闈人為之故今並令士人代領之

以太尉劉虞為太司馬董卓自為太尉加鈇鉞虎賁禮記

曰諸侯賜鈇鉞然後專殺說文曰鈇莖刃也蒼頡篇曰鈇斧也加鈇鉞者得專殺也丙戌太中大

夫楊彪為司空甲午豫州牧黃琬為司徒遣使弔祠故

太傅陳蕃大將軍竇武等冬十月乙巳葬靈思皇后白

波賊寇河東薛瑩書曰黃中郭泰等起於西河白波谷時謂之白波賊董卓遣其將

牛輔擊之十一月癸酉董卓為相國十二月戊戌司徒

黃琬為太尉司空楊彪為司徒光祿勳荀爽為司空省

扶風都尉置漢安都護扶風都尉比二千石武帝元鼎四年置中興不改至此以羌擾

三輔故省之置都護令總統西方詔除光熹昭寧永漢三號還復中平

六年初

初平元年春正月山東州郡起兵以討董卓辛亥大赦

天下癸酉董卓殺弘農王白波賊寇東郡二月乙亥太

尉黃琬司徒楊彪免庚辰董卓殺城門校尉伍瓊督軍

校尉周璠璠音必東觀記曰周璠豫州刺史慎之子也續漢書魏志並作恣音秘以光祿

天啓二年刊

後漢書紀

二

天... 後漢書卷之...

謝承書曰謙字彥信太尉

太僕王允為

司徒丁亥遷都長安董卓驅徙京師百姓悉西入關自

留屯畢圭苑壬辰白虹貫日二月乙巳車駕入長安幸

未央宮

未央宮蕭何所造也張璠記曰將入

巴西董卓

焚洛陽宮廟及人家戊午董卓殺太傅袁隗太僕袁基

夷其族

隗紹之叔父基袁術之母兄卓以山東兵起依

男女五千餘

夏五月司空荀爽薨六月辛丑光祿大夫

種拂為司空大鴻臚韓融少府陰修執金吾胡毋班

風俗

通云胡毋姓本陳胡公之後也公子完奔齊遂有齊國

氏將作大匠吳脩越騎校尉王瓌安集關東後將雷

術河內太守王匡各執而殺之

英雄記曰匡字公節太

俠聞為袁紹

唯韓融獲免董卓壞五銖錢更鑄小錢

先

中興除王莽貨

冬十一月庚戌鎮星熒惑太白合於尾

是歲有司奏和安順桓四帝無功德不宜稱宗又恭懷

敬隱恭愍三皇后並非正嫡不合稱后皆請除尊號制

曰可

和帝號穆宗安帝號恭宗順帝號敬宗桓帝號威

貴人曰敬隱皇后順帝

孫堅殺荊州刺史王叡

王母諸

通耀晉太保

又殺南陽太守張咨

二年春正月辛丑大赦天下二月丁丑董卓自為太師

袁術遣將孫堅與董卓將胡軫戰於陽人

陽人聚名屬

順治十五年刊

後漢書卷之九

三

在今汝州梁縣西史記秦滅東軫軍大敗董卓遂發掘
周得其君於陽人聚即此地也
洛陽諸帝陵夏四月董卓入長安六月丙戌地震秋七

月司空种拂免光祿大夫濟南淳于嘉為司空太尉趙
謙罷太常馬日磾為太尉九月蚩尤旗見于角亢天官書曰

蚩尤之旗類彗而後曲象旗熒惑之精也呂氏春秋云其色黃上白下見則上者征伐四方角亢蒼龍之星

冬十月壬戌董卓殺衛尉張温十一月青州黃巾寇

泰山泰山太守應邵擊破之黃巾轉寇渤海公孫瓚與

戰於東光復大破之東光今滄州縣是歲長沙有人死經月復

活

三年春正月丁丑大赦天下袁術遣將孫堅攻劉表於

襄陽堅戰歿袁紹及公孫瓚戰于界橋今貝州宗城縣

枯漳水則界橋在此也瓚軍大敗夏四月辛巳誅董卓夷三族司

徒王允錄尚書事總朝政遣使者張种撫慰山東青州

黃巾擊殺兖州刺史劉岱於東平東郡太守曹操大破

黃巾於壽張降之五月丁酉大赦天下丁未征西將軍

皇甫嵩為車騎將軍董卓部曲將李傕郭汜樊稠張濟

等反攻京師六月戊午陷長安城太常种拂太僕魯旭

大鴻臚周奐三輔决錄注曰奐字文明茂陵人城門校尉崔烈越騎校

尉王頎並戰歿吏民死者萬餘人李傕等並自為將軍

巳未大赦天下李傕殺司隸校尉黃琬甲子殺司徒王

順治十五年刊

後漢書卷九

三

允皆滅其族丙子前將軍趙謙為司徒秋七月庚子太尉馬日磾為太傅錄尚書事八月遣日磾及太僕趙岐持節慰撫天下車騎將軍皇甫嵩為太尉司徒趙謙罷九月李傕自為車騎將軍郭汜後將軍樊稠右將軍張濟鎮東將軍濟出屯弘農甲申司空淳于嘉為司徒光祿大夫楊彪為司空並錄尚書事冬十二月太尉皇甫嵩免光祿大夫周忠為太尉參錄尚書事

四年春正月甲寅朔日有食之

袁宏記曰時未晡入刻太史令王立奏曰晷過

度無變也朝臣皆賀帝令候馬未晡一刻而食賈詡奏曰立司候不明疑誤上下請付理官帝曰天道遠事驗難明欲歸咎史官丁卯大赦天下三月袁術殺楊州刺史益重朕之不德也

史陳温渡淮南長安宣平城門外屋百壞

三輔黃圖長安城東面

北頭門也夏五月癸酉無雲而雷六月扶風大雨雹華山崩

裂太尉周忠免太僕朱儁為太尉錄尚書事下邳賊闕

宣自稱天子

風俗通曰闕姓也承闕黨童子之後也縱橫家言闕子著書

雨水遣侍

御史裴茂訊詔獄原輕繫六月辛丑天狗西北行

前書音義

曰有聲為天狗無聲為在矢

九月甲午試儒生四十餘人上第賜位

郎中次太子舍人下第者罷之詔曰孔子歎學之不講

不講則所識日忘今耆儒年踰六十去離本土營求糧

資不得專業結童入學白首空歸長委農也永絕榮望

朕甚愍焉其衣科罷者聽為太子舍人

劉文獻帝紀曰時長安中為之

謹曰頭自皓然食不充糧裘衣蹇裳當還故鄉聖王愍念悉用補郎舍是布衣被服玄黃冬十月太學行禮車駕幸永福城門臨觀其儀賜博士以下各有

差辛丑京師地震有星孛于天市袁宏紀曰孛于天市將從天子移都其後

上東遷之應也司空楊彪免太常趙溫為司空公孫瓚殺太司

馬劉虞十二月辛丑地震司空趙溫免乙巳衛尉張喜

為司空獻帝春秋曰喜作喜是歲琅邪王容薨

興平元年春正月辛酉大赦天下改元興平甲子帝加

元服二月壬午追尊謚皇妣王氏為靈懷皇后甲申改

葬于文昭陵丁亥帝耕于籍田三月韓遂馬騰與郭汜

樊稠戰於長平觀遂騰敗績左中郎將劉範前益州

史种劭戰歿

前書音義曰長平陂名也上有觀在池也

也袁宏紀曰是時馬騰以李傕等專亂以益州刺史

馬宗室大臣遣使招引共誅傕焉遣子籛將兵執騰故

涼州刺史种劭太常拂之子也拂為傕所害劭欲報仇遂為此戰夏六月丙子分涼州

河西四郡為癰州謂金城酒泉丁丑地震戊寅又震乙

巳晦日有食之帝避正殿寢兵不聽事五日大蝗秋七

月壬子太尉朱雋免戊午太常楊彪為太尉錄尚書事

三輔大旱自四月至于于是月帝避正殿請雨遣使者洗

囚徒原輕繫是歲穀一斛五十萬豆麥一斛二十萬人

相食啖白骨委積帝使侍御史侯文出太倉米豆為饑

人作糜粥經日而死者無數帝疑賦卹有虛乃親於御

坐前量試作麩乃知非實表宏紀曰時勅侍中劉艾取米豆五升於御前作麩得滿

三千五於是詔尚書曰米豆五升得麩三千五而人委頓何也使侍中劉艾出讓有司於

是尚書令以下皆詣省閣謝劉放曰案閣當作閣閣門也詣閣無禮奏收

侯汝考實詔曰未忍致汝于理可杖五十自是之後多

得全濟八月馮翊羌叛寇屬縣郭汜樊稠擊破之九月

桑復生樁人得以食司徒淳于嘉罷冬十月長安市門

自壞以衛尉趙溫為司徒錄尚書事十二月分安定扶

風為新平郡是歲楊州刺史劉繇與表術將孫策戰于

曲阿策字伯符孫堅子繇軍大績孫策遂據江東吳志曰

策自領會稽太守太傅馬日磾薨于壽春壽春名馬九

江郡今壽春縣也

二年春正月癸丑大赦天下三月乙亥李傕殺樊稠而

與郭汜相攻三月丙寅李傕脅帝幸其營焚宮室夏四

月甲午立貴人伏氏為皇后丁酉郭汜攻李傕矢及御

前山陽公載記曰時弓弩並發矢下如雨及御所止高樓殿前惟簾也是日李傕移帝幸

北塢服虔通俗文曰營居曰塢一日痺城也山陽公載記曰時帝在南塢隓在北塢時流矢中傕左耳乃

迎帝幸北塢帝不肯從強之乃行大旱五月壬午李傕自為大司馬六

月庚午張濟自陝來和催汜秋七月甲子車駕東歸郭

汜自為車騎將軍楊定為後將軍楊奉為興義將軍董

承為安集將軍並侍送乘輿張濟為驃騎將軍還屯陝

崇禎三年刊

後漢帝紀

二

八月甲辰幸新豐冬十月戊戌郭汜使其將伍習夜燒

所幸學舍逼脅乘輿楊定楊奉與郭汜戰破之壬寅幸

華陰露次道南是夜有赤氣貫紫宮獻帝春秋曰赤氣廣六士尺東至寅

西至張濟復反與李傕郭汜合十一月庚午李傕郭汜

等追乘輿戰于東澗王師敗績殺光祿勳鄧泉衛尉士

孫瑞廷尉宜播大長秋苗祀獻帝春秋步兵校尉魏拜

侍中朱展射聲校尉沮儁風俗通曰沮姓也黃帝時壬

申幸曹陽露次田中曹陽澗名在今陝州西南七里俗謂之七里澗崔浩云自南山北通

於楊奉董承引白波帥胡才李樂韓暹及匈奴左賢王

去甲率師奉迎與李傕等戰破之十二月庚辰車駕乃

進李傕等復來追戰王師大敗殺累官人少府田芬大

司農張義等皆戰歿進幸陝夜度河乙亥幸安邑是歲

袁紹遣將麴義與公孫瓚戰於鮑丘鮑丘水名出北塞中南流經九莊嶺

東俗謂之大榆河又東南經漁陽縣故城東是瓚之戰處見水經注瓚軍大敗

建安元年春正月癸酉郊祀上帝於安邑大赦天下改

元建安二月韓暹攻衛將軍董承夏六月乙未幸聞喜

秋七月甲子車駕至洛陽幸故中常侍趙忠宅丁丑郊

祀上帝大赦天下巳卯謁太廟八月辛丑幸南宮楊安

殿癸卯安國將軍張楊為大司馬韓暹為大將軍楊奉

為車騎將軍是時宮室燒盡百官披荆棘依牆壁間州

郡各擁疆兵而委輸不至群僚饑乏尚書郎以下自出

採枵枵音呂埤蒼曰稽自生也枵與糧同或饑死牆壁間或為兵士所殺

辛亥鎮東將軍曹操自領司隸校尉錄尚書事曹操殺

侍中臺崇尚書馮碩等風俗通曰金天氏裔孫曰臺駘其後氏焉山陽公載記曰臺字

作壺○劉放曰注山陽公載記曰案文多一日字封衛將軍董承為輔國將軍

伏完等十三人為列侯贈沮偽為弘農太守庚申遷都

許已巳幸曹操營九月太尉楊彪司空張喜罷冬十一

月丙戌曹操自為司空行車騎將軍事百官總已以聽

二年春袁術自稱天子三月袁紹自為大將軍夏五月

蝗秋九月漢水溢是歲饑江淮間民相食袁術殺陳王

寵孫策遣使奉貢

三年夏四月遣謁者裴茂率中郎將段熲討李傕夷二

族獻帝起居注曰傳催首到許有詔高懸之也呂布叛冬十一月盜殺大司

馬張楊十二月癸酉曹操擊呂布於徐州斬之

四年春三月袁紹攻公孫瓚于易京獲之公孫瓚頻失利乃臨易河

築京以自固故號易京其城三重周圍六里今內城中有土京在幽州歸義縣南爾雅曰絕高謂之京非人力為之也

也衛將軍董承為車騎將軍夏六月袁術死是歲初

置尚書左右僕射武陵女子死十四日復活續漢志曰女子李娥

年六十餘死瘞於城中有行人聞冢中有聲告家人出之

五年春正月車騎將軍董承偏將軍王服越騎校尉种

輯受密詔誅曹操事洩壬午曹操殺董承等夷三族秋
 七月立皇子馮為南陽王壬午南陽王薨九月庚午朔
 日有食之詔三公舉至孝二人九卿校尉郡國守相各
 一人皆上封事靡有所諱曹操與袁紹戰於官渡裴松之北
征記曰中牟臺下臨汴水是為官渡袁紹曹操壘尚存焉在今鄭州中牟縣北紹敗走冬十月
 辛亥有星孛于大梁大梁西之分東海王祗薨是歲孫策死
為詐貢客弟權襲其餘業權字仲謀
 六年春三月丁卯朔日有食之
 七年夏五月庚戌袁紹薨于冀國獻馴象馴象謂隨人意也是
 歲越雋男子化為女子

八年冬十月己巳公卿初迎冬於北郊斯禮久廢故曰初總章

始復備八佾舞袁紹紀云迎氣北郊始用八佾佾列也

章樂官名古初置司直官督中都官司直秋比二千石武帝元符五年置

掌佐丞相舉不法也建武十一年省今復置之

九年秋八月戊寅曹操大破袁尚平冀州自領冀州牧

冬十月有星孛于東井十二月賜三公已下金帛各有

差自是三年一賜以為常制

十年春正月曹操破袁譚於青州斬之魏書曰操攻譚不剋乃自執桴

鼓應時破之夏四月黑山賊張燕率眾降魏志曰燕本姓褚常山真定人也黃

巾起燕合聚少年為羣盜萬餘人博陵人張牛角為主牛角死燕代為主故改姓張燕刺男軍中號曰張飛燕

天啓二年刊

衆至百萬號 日黑山賊 秋九月賜百官尤貧者金帛各有差

十一年春正月有星孛于北斗三月曹操破高幹於并

州獲之典論曰上谷都尉王琰敗之追斬其首 秋七月武威太守張猛殺

癰州刺史邯鄲商袁宏漢紀曰癰州作涼州也 是歲立故琅邪王容

子熙為琅邪王濟北海阜陵下邳常山甘陵濟陰平原

八國皆除

十二年秋八月曹操大破烏桓於柳城斬其蹋頓蹋頓匈奴

王號柳城縣名屬遠西郡今營州縣 冬十月辛卯有星孛于鶉尾鶉尾已之分

巳巳黃巾賊殺濟南王贊河間孝王五代孫 十一月遼東太守

公孫康殺袁尚袁熙

十三年春正月司徒趙溫免夏六月罷三公官置丞相

御史大夫癸巳曹操自為丞相秋七月曹操南征劉表

八月丁未光祿勳郗慮為御史大夫續漢書曰慮字鴻豫山陽高平人也

少受學於鄭玄 壬子曹操殺太中大夫孔融夷其族是月劉表

卒少子琮立琮以荊州降操冬十月癸未朔日有食之

曹操以舟師伐孫權權將周瑜敗之於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂等

大敗關西平曹操傳曰時婁子伯說操曰今天寒可起沙為城以水灌之可一夜而成公從之比

明城立超遂數挑戰不利操縱虎騎夾擊大破之超遂走涼州是歲趙王赦薨

十七年夏五月癸未誅衛尉馬騰夷三族六月庚寅晦

日有食之秋七月消水潁水溢螟八月馬超破涼州殺

刺史韋康九月庚戌立皇子熙為濟陰王懿為山陽王

邈為濟北王敦為東海王山陽公載記曰時許靖在巴郡聞立諸王日將欲歛之必

姑張之將欲奪之必姑與之其孟德之謂乎冬十二月星孛于五諸侯五諸侯星

名也

十八年春正月庚寅復禹貢九州獻帝春秋曰時省幽并州以其郡國并於

冀州省司隸校尉及涼州以其郡國并為雍州省兖州并荆州益州於是

有兗豫青徐荆揚冀益雍也九數雖同而禹貢無益州有梁州然梁益亦一地也夏五月丙申曹操自立為魏公

加九錫案禮含文嘉曰九錫謂一曰車馬二曰衣服三曰樂器四曰朱戶五曰納陛六曰虎賁七百人

七日斧鉞八曰弓矢九曰秬鬯大雨水徙趙王珪為博陵王是歲歲星

鎮星熒惑俱入太微是年秋三星逆行入太微守帝座五十日彭城王和薨

十九年夏四月旱五月雨水劉備破劉璋據益州冬十

月曹操遣將夏侯淵討朱建于枹罕獲之枹罕縣屬金城郡今河州

縣也魏志曰淵字十一月丁卯曹操殺皇后伏氏滅其

族及二皇子山陽公載記曰劉備在蜀聞之遂發喪

二十年春正月甲子立貴人曹氏為皇后賜天下男子

爵人一級孝悌力田二級賜諸王侯公卿以下穀各有

差秋七月曹操破漢中張魯降

順治十七年刊

後漢書卷九

三

二十一年夏四月甲午曹操自進魏王五月己亥朔日有食之秋七月匈奴南單于來朝是歲曹操殺琅邪王

熙國除坐謀欲渡江被誅

二十二年夏六月丞相軍師華歆為御史大夫冬有星

孛于東北是歲大疫

二十三年春正月甲子少府耿紀丞相司直韋晃起兵

誅曹操不克夷三族三輔決錄曰時有京兆金禕字德偉自以代為漢臣乃發憤與耿紀

韋晃欲挾天子以攻魏南援劉備事敗夷三族三月有星孛于東方杜預注左傳云平旦

衆星皆沒而孛星乃見故不言所在之次

二十四年春二月壬子晦日有食之夏五月劉備取漢

中秋七月庚子劉備自稱漢中王八月漢水溢冬十一

月孫權取荊州

二十五年春正月庚子魏王曹操薨魏志曰操字孟德薨時年六十六

子丕襲位魏志曰丕字子桓操之太子二月丁未朔日有食之三月

改元延康冬十月乙卯皇帝遜位魏王丕稱天子獻帝春秋

日帝時召群臣卿士告祠高廟詔太常張音持節奉策璽綬禪位於魏王乃為壇於繁陽故城魏王登壇受皇

帝璽奉帝為山陽公山陽縣名屬河內郡故城在今懷州脩武縣西北邑一萬

戶位在諸侯王上奏事不稱臣受詔不拜以天子車服

郊祀天地宗廟祖臧皆如漢制都山陽之濁鹿城蜀鹿

濁城亦名清陽城在今懷州脩武縣西北西皇子封王者皆降為列侯明年

劉備稱帝于蜀孫權亦自立於吳於是天下遂三分矣

魏青龍二年三月庚寅山陽公薨自遜位至薨十有四

年年五十四謚孝獻皇帝八月壬申以漢天子禮儀葬

于禪陵續漢書曰天子葬太僕駕四輪轎為賓車大練

造穿太史卜日將作黃腸題湊便房如禮大駕太僕

御方相氏黃金四目蒙熊皮玄衣朱裳執戈楯立乘四

馬先驅旂長三刃十有二旒曳池盡日月升龍書旆曰

天子之極謁者二人立乘六馬為次太常跪曰哭日十

立舉音止哭畫漏上請發司徒河南尹先引車轉太常

日請拜送車著白絲三糾綁長二十丈圍七寸六行行

五十八人公卿以下子弟凡二百人皆素幘委貌冠衣素

裳挽校尉三百人皆赤幘不冠特幢插皆衛收羽林孤

兒巴俞耀歌者六十人為六列司馬八人執鐸至陵南

羨門司徒跪請就下房都導東園武士奉入房執事不

日釋陵在涓鹿城西此十里在今懷州脩武縣其二十

志日字作日置園邑令丞太子早卒孫康立五十一年

在哭字上

晉太康六年薨于瑾立四年太康十年薨于秋立二十

年末嘉中為胡賊所殺國除

論曰傳稱鼎之為器雖小而重故神之所寶不可奪移

左氏傳王孫滿曰禁有昏德鼎遷於商高紂暴虐鼎遷

於周德之休明雖小重也其姦回昏亂雖大輕也故言

神之所寶至今負而趨者此亦窮運之歸乎言神器至

不可奪移而趨走者斯亦窮盡之運歸於此時乎言不可復振也

莊子曰藏舟於壑藏山於澤謂之國矣然而有力者負

之而趨而天厭漢德久矣山陽其何誅焉厭倦誅責也

後政教陵遲故言天厭漢德久矣禍之來也非獨山陽

公之詔其何所誅責乎左傳宋子魚曰天既厭商德孔

一曰

子曰於子

贊曰獻生不辰身播國屯

辰時也播遷也言獻帝生不逢時身又播遷國屯難詩

曰我全不辰左

傳曰震蕩播越終我四百未作虞賓

春秋孔演圖曰劉

王輔皇王以期有名不就宋均注曰雖褒族人為漢王以自輔以當有應期名見攝錄者故名不就也虞賓謂舜以堯子丹朱為賓商書曰虞賓在位是也以喻山陽公為魏之賓也

位是也以喻山陽公為魏之賓也

皇后紀第十七

後漢書十一

光武郭皇后

光烈陰皇后

明德馬皇后

章德竇皇后

和帝陰皇后

和喜鄧皇后

夏殷以上后妃之制其文畧矣田禮王者立后鄭玄注禮記曰

后之言後言在夫之後也

三夫人九嬪二十五世婦八十一女御以

備內職

馬后正位宮闈同體天王夫人坐論婦禮鄭玄注周

禮云夫人之於后猶三公

之於王坐而論婦禮也

九嬪堂教四德九嬪比九卿

世婦主喪祭賓客婦服也

明其能

德謂婦德婦言婦容婦功也

世婦主喪祭賓客婦服也

明其能

服事於人也此二十七大夫周禮世婦掌祭祀賓客喪

紀之事祭之日泣陳女宮之具凡內蓋之物掌弔臨于

御序于王之燕寢

卿大夫之喪

女御序于王之燕寢御謂進御于

禮曰女御叙于

王之燕寢以歲時獻功頌官分務各有典司女史彤管記功書

過也周禮云女史掌王后之禮書內令凡后之事以禮從也亦如太史之於王也彤管赤管筆也詩

云詒我彤管注云古者后夫居有保阿之訓動有環佩

之響列女傳曰齊孝公使駟馬立車載姬從孝公遊車奔

下堂必從傳母保阿進退則鳴進賢才以輔佐君子哀

玉珮環今立車無非敢受命進賢才以輔佐君子哀

窈窕而詩序云關雎樂得淑女以配君子憂不淫其色

無傷善注云窈窕幽閒也所以能迷官陰化修成內則周禮內

婦職之教六宮以閨房肅維險謁不行也肅敬也雍和

能輔佐君子和順恭敬不行私謁詩序曰雖則王姬故

猶執婦道以成肅雍之德又曰而無險謁私謁之心故

康王晚朝關雎作諷前書言義曰后夫人無鳴鶴王去

傷之見宣后晏起姜氏請愆列女傳曰周宣姜后齊侯

曾詩后夫人不出房姜后既出乃脫簪珥待罪於永巷使傳

母通言於王曰妾不才淫心見矣至使君王失禮而晏

起以見君王樂色忘德敢請罪惟君王之命王曰及周

寡人之過夫人何辜遂勤政事成中興之名焉

室東遷禮序凋缺幽王時西夷犬戎兵攻殺幽王于驪

戎政遂微弱諸侯僭縱軌制無章齊桓有如夫人者六

人左傳曰桓公多內寵有如夫人者六人長晉獻升戎

女為元妃元妃嫡夫人也史記曰晉獻公終於五子作

亂桓公六夫人生六子桓公卒立公子昭於是公子無

立公子昭奔冢嗣遘屯冢大也遘遇也屯難也晉獻公

綠兮衣兮綠衣黃裳鄭玄曰綠衣黑今反以黃為裏非其禮制諭妾上僭也 以至破國亡身

不可勝數斯固輕禮弛防先色後德者也秦并天下多

自驕大官備七國史記曰始皇破六國寫放其宮室作之咸陽北坂上南臨渭水殿屋複道

周閣相屬所得諸侯美人以充入之并秦為七也爵列八品前書曰漢興因秦

后妾皆稱夫人又有美人良人八子七子長使少使之號漢興因循其號而婦制莫

釐釐理高祖帷薄不修大戴禮曰大臣坐污穢男女無別者不曰污穢曰帷薄不修謂周昌

入奏事高帝擁孝文衽席無辨鄭玄注禮記曰衽卧席也孝文幸慎夫人每與

皇后同坐然而選納尚簡飾翫少華自武元之後世增

淫費至乃掖庭三千增級十四鍾妣一姪娥二容華三

儀五元帝置美人六良人七七子八八子九長使十光使十一五官十二順常十三舞酒共和娛靈保休良善

使夜者十四此六八幸毀政之符外姻亂邦之迹前中

載之詳矣及光武中興斷彫為朴彫謂刻鑿也史記曰漢興破觚而為圓斷

彫而六宮稱號唯皇后貴人一鄭玄注周禮曰皇后正寢燕寢五是為六宮也夫

人巳下貴人金印紫綬奉不過粟數十斛又置美人宮

人采女三等並無爵秩歲時賞賜充給而已漢法常因

八月筭人漢儀注曰八月初遣中大夫與掖庭丞及相

立於洛陽鄉中閱視良家童女年十三以上二十以下

姿色麗合法相者載還後宮擇視可否乃用登御所

以明慎聘納詳求淑哲明帝聿遵先旨宮教頗修登建

嬪后必先令德內無出閫之言閫門限也禮記曰外言不入於閫內言不出於

嘉靖九年刊

關權無私溺之授可謂矯其敝矣向使因設外戚之禁
編著甲令前書音義曰甲令者前帝第改正后妃之制

貽厥方來豈不休哉雖御已有度而防閑未篤故孝章
以下漸用色授恩隆好合遂忘淫蠹淫黑也蠹食木自

古雖主幼時艱王家多釁必委成冢宰簡求忠賢未有
專任婦人斷割重器唯秦羊太后始攝政事羊音亡故

穰侯權重於昭王家富於嬴國太后昭王母也號宣太
宣太后自知事以同母弟魏冉為將軍任政封為穰侯太后攝政始於此也漢仍其謬知患

莫改東京皇統屢絕權歸女上外立者四帝謂安質臨
朝者六早帝竇太后和熹鄧太后安思閻太后順莫

不定策帷帟委事父兄貪孩童以久其政抑明賢以專

其威周禮幕人掌幃帟幄幕之事鄭玄注曰帟幄中坐

十三冲帝崩梁太后與兄冀迎立質帝年八歲質帝崩
太后與兄冀迎立桓帝年十五桓帝崩竇太后與父武
迎立靈帝

任重道悠利深禍速身犯霧露於雲臺之上
霧露謂疾病也不可指言死故假霧露以言之靈帝時
中常侍曹節矯詔遷太后於雲臺謝弼上封事曰伏惟

皇太后援立明聖幽居空宮如有霧
露之疾陛下當何面目以見天下
家嬰縲紲於囹圄
之下縲索也紲繫也囹圄周獄名也鄉亭之湮滅連踵

傾軛繼路踵跡也軛車轅也賈而赴蹈不息焦爛為期

終陵夷大運淪亡神寶陵夷猶頽替詩書所歎略同一
揆故考列行跡以為皇后本紀雖成敗事異而同居正

號者並列十篇其以私恩追尊非當時所奉者則隨它
事附出謂安帝母左姬及祖母宋貴人之類並見清河孝王傳親屬別事各依列
傳其餘無所見則係之此紀謂賈貴人虞美人之類是也以續西京

外戚云爾續繼也

郭皇后紀

光武郭皇后諱聖通真定豪人也豪縣名故城在今恒州豪城縣西為

郡著姓父昌讓田宅財產數百萬與異母弟國人義之

仕郡功曹娶真定恭王女號郭主恭王名普景帝七代孫生后及

子况昌早卒郭主雖王家女而好禮節儉有母儀之德

更始二年春光武擊王郎至真定因納后有寵及即位

以為貴人建武元年生皇子彊帝善况小心謹慎年始

十六拜黃門侍郎二年貴人立為皇后彊為皇太子封

况緜蠻侯以后弟貴重賓客輻湊况恭謙下士頗得聲

譽十四年遷城門校尉其後后以寵稍衰數懷怨懟十

七年遂廢為中山王太后進后中子右翊公輔為中山

王以常山郡益中山國徙封况大國為陽安侯陽安縣屬汝南

郡故城在今豫州朗山縣故道國城是也后從兄竟以騎都尉從征伐有功

封為新鄴侯官至東海相新鄴縣屬汝南郡故城在今潁州汝陰縣西北鄴丘城是

也音七竟弟匡為發干侯發干縣屬東郡故城在今博州堂邑縣西南官至

太中大夫后叔父梁早終無子其婿南陽陳茂以恩澤

封南燕侯燕音力全反二十年中山王輔復徙封沛王后為

沛太后况遷大鴻臚帝數幸其第會公卿諸侯親家飲

燕賞賜金錢縑帛豐盛莫比京師號况家為金穴二十

六年后母郭主薨帝臨喪送葬百官大會遣使者迎昌

喪柩與主合葬追贈昌陽安侯印綬謚曰思侯二十八

年后薨葬于北芒帝憐郭氏詔况子璜尚清陽公主除

璜為郎顯宗即位况與帝舅陰識陰就並為特進數授

賞賜○劉放曰案文授當作受恩寵俱渥禮待陰郭每事必均永平

二年况卒贈賜甚厚帝親自臨喪謚曰節侯子璜嗣元

和三年肅宗北巡狩過真定會諸郭朝見上壽引入倡

飲甚歡說文曰倡樂也聲類曰俳以太牢具上郭主家賜粟萬斛錢

五十萬永元初璜為長樂少府長樂少府掌皇太后宮秩二千石居長信宮曰

長信少府長樂少府子舉為侍中兼射聲校尉及大將軍竇

憲被誅舉以憲女壻謀逆故父子俱下獄死家屬徙合

浦郡名今廉州縣宗族為郎吏者悉免官新鄴侯竟初為騎將

前書曰車戶騎將屬光祿秩比千石從征伐有功拜東海相永平中卒嵩

嗣嵩卒追坐染楚王英事國廢建初二年章帝紹封嵩

子勤為伊亭侯勤無子國除發干侯匡官至太中大夫

建武三十年卒子勲嗣勲卒子駿嗣永平十三年亦坐

楚王英事失國建初三年復封駿為觀都侯卒無子國

順治十七年刊

後漢書卷之五十四

六

除郭氏侯者凡三人皆絕國
 論曰物之興衰情之起伏理有固然矣而崇替去來之
 甚者必唯寵惑乎當其接牀第承恩色雖險情贅行莫
 不德焉說文曰贅肫也老子曰餘食贅行河上公注曰行之無當為贅莊子曰附贅懸肫言醜惡也
 及至移意愛析燕私雖惠心妍狀愈獻醜焉愛升則天
 下不足容其高歡隊故九服無所逃其命斯誠志士之
 所沉溺君人之所抑揚未或違之者也郭后以衰離見
 貶恚怨成尤而猶恩加別館增寵黨戚至乎東海逡巡
 去就以禮使後世不見隆薄進退之隙不亦光於古乎

陰皇后紀

光烈陰皇后諱麗華

謚法曰執德遵業曰烈東觀記有陰子公者生子方方生幼公公生

君孟名睦即后之父也今世本睦作陸

南陽新野人初光武適新野聞后

美心悅之後至長安見執金吾車騎甚盛因歎曰仕宦

當作執金吾娶妻當得陰麗華更始元年六月遂納后

於宛當成里時年十九及光武為司隸校尉方西之洛

陽令后歸新野及鄧奉起兵后兄識為之將后隨家屬

徙滎陽止於奉舍光武即位令侍中傅俊迎后與胡陽

寧平主諸宮人俱到洛陽以后為貴人

寧平縣屬淮陽故城在今亳州

谷陽縣西南

帝以后雅性寬仁欲崇以尊位后固辭以郭氏

有子終不肯當故遂立郭皇后建武四年從征彭寵生

順治十七年刊

後漢書紀七

七

四

顯宗於元氏九年有盜劫殺后母鄧氏及弟訢音欣帝甚傷之乃詔大司空曰吾微賤之時娶於陰氏因將兵征伐遂各別離幸得安全俱脫虎口以貴人有母儀之美宜立為后而固辭弗敢當列於媵妾爾雅曰媵送也孫炎曰送女曰媵朕嘉其義讓許封諸弟未及爵土而遭患逢禍母子同命愍傷于懷小雅曰將恐將懼惟予與汝將安將樂汝轉弃予谷風之詩風人之戒可不慎乎其追魯謚貴人父陸為宣恩哀侯弟訢為宣義恭侯以弟就嗣哀侯後及尸柩在堂使太中大夫拜授印綬如在國列侯禮魂而有靈嘉其寵榮十七年廢皇后郭氏而立貴人制詔三公

曰皇后懷執怨懟數違教令不能撫循它子訓長異室

宮闈之內若見鷹鷂爾雅曰宮中小門謂之闈既無關雎之德而有

呂霍之風豈可託以幼孤恭承明祀今遣大司徒涉戴

也宗正吉持節其上皇后璽綬陰貴人鄉里良家歸自

微賤公羊傳曰婦人謂嫁曰歸自我不見于今三年宜奉宗廟為天

下毋主者詳案舊典時上尊號異常之事非國休福不

得上壽稱慶后在位恭儉少嗜玩不喜笑謔性仁孝多

矜慈七歲失父雖已數十年言及未嘗不流涕帝見常

歎息顯宗即位尊后為太后永平三年冬帝從太后幸

章陵置酒舊宅會陰鄧故人諸家子孫並受賞賜七年

天啓二年刊

後漢書卷之七

崩在位二十四年年六千合塋原陵明帝性孝愛追慕
無已十七年正月當謁原陵夜夢先帝太后如平生歡
既寤悲不能寐卽案歷明旦日吉遂率百官及故客上
陵其日降甘露於陵樹帝令百官采取以薦會畢帝從
席前伏御牀視太后鏡奩中物奩鏡匣也音廉感動悲涕令易
脂澤裝具左右皆泣莫能仰視焉

馬皇后紀

明德馬皇后諱某

謚法曰忠和純淑曰德諱某者史失其名下皆類此

伏波將軍

援之小女也少喪父母兄客卿敏惠早夭母蘭夫人悲
傷發疾恍惚后時年十歲幹理家事勅制備御內外諮

稟事同成人初諸家莫知者後聞之咸歎異焉后嘗久
疾太夫人令筮之筮者曰此女雖有患狀而當大貴兆
不可言也後又呼相者使占諸女見后大驚曰我必爲
此女稱臣然貴而少子若養他子者得力乃當踰於所
生初援征五溪蠻卒於師虎賁中郎將梁松黃門侍郎
竇固等因譖之由是家益失執又數爲權貴所侵侮后
從兄嚴不勝憂憤白太夫人絕竇氏婚求進女掖庭乃
上書曰臣叔父援孤恩不報而妻子特獲恩全戴仰陛
下爲天爲父人情旣得不死便欲求福竊聞太子諸王
妃匹未備援有三女大者十五次者十四小者十三儀

狀髮膚上中以上

東觀記曰明帝馬皇后美髮為四起大髻但以髮成尚有餘繞髻三匝眉

不施黛獨左眉角小缺補之如粟嘗稱疾而終身得意

皆孝順小心婉靜有禮願

下相工簡其可否如有萬一援不朽於黃泉矣又援姑

姊妹並為成帝婕妤葬於延陵臣嚴幸得蒙恩更生冀

因緣先姑當充後宮由是選后入太子宫時年十三奉

承陰后傍接同列禮則修備上下安之遂見寵異常居

後堂顯宗即位以后為貴人時后前母姊女賈氏亦以

選入生肅宗帝以后無子命令養之謂曰人未必當自

生子但患愛養不至耳后於是盡心撫育勞悴過於所

生肅宗亦孝性惇篤恩性天至母子慈愛始終無纖介

之間后常以皇嗣未廣每懷憂歎薦達左右若恐不及

後宮有進見者每加慰納若數所寵引輒增隆遇永平

三年春有司奏立長秋宮

皇后所居宮也長者久也秋者萬物成熟之初也故以名

焉請立皇后不敢指言故以宮稱之

帝未有所言皇太后曰馬貴人德冠

後宮即其人也遂立為皇后先是數日夢有小飛蟲無

數赴著身又入皮膚中而後飛出既正位宮闈愈自謙

肅身長七尺二寸方口美髮能誦易好讀春秋楚辭尤

善周官董仲舒書

周官周禮也仲舒書王杯蕃露清明竹林之屬也蕃音繁

常衣大

練裙不加緣

大練大帛也杜預注左傳曰大帛厚繒也太后兄廖上書曰今陛下躬服厚繒是也

朔望諸姬于朝請

漢律春日請朝秋日請

望見后袍衣䟽麤反以為

綺縠就視乃笑后辭曰此繒特宜染色故用之耳六宮莫不歎息帝嘗幸苑囿離宮后輒以風邪露霧為戒辭意款備多見詳擇帝幸濯龍中

續漢志曰濯龍國名也近北宮

並召諸

才人下邳王已下皆在側請呼皇后帝笑曰是家志不好樂雖來無歡是以游娛之事希嘗從焉十五年帝按地圖將封皇子悉半諸國后見而言曰諸子食數縣於制不已儉乎帝曰我子豈宜與先帝子等乎歲給二十萬足矣時楚獄連年不斷囚相證引坐繫者甚眾后慮其多濫乘間言及惻然帝感悟之夜起彷徨為思所納

思后所納之言卒多有所降宥時諸將奏事及公卿較議難平

者帝數以試后后輒分解趣理各得其情每於侍執之際輒言及政事多所毗補而未嘗以家私干故寵敬日隆始於終無衰及帝崩肅宗即位尊后曰皇太后諸貴人當徙居南宮太后感析別之懷各賜王赤綬加安車

駟馬白越三千端

白越越布

雜帛二千匹黃金十斤自撰顯

宗起居注削去兄防參醫藥事帝請曰黃門舅旦夕供養且一年既無裒異又不錄勤勞無乃過乎太后曰吾不欲令後世聞先帝數親后宮之家故不著也建初元年欲封爵諸舅太后不聽明年夏大旱言事者以為不封外戚之故有司因此上奏宜伊舊典

漢制外戚以恩澤封侯故曰舊典

也典太后詔曰凡言事者皆欲媚朕以要福耳晉王氏五

侯同日俱封成帝封太后弟王譚王商王立其時黃霧

四塞不聞澍雨之應又田蚡竇嬰寵貴橫恣傾覆之禍

為世所傳田蚡景帝王皇后同母弟武安侯也為丞相

貪驕與淮南王霸上私語後薨武帝曰使武

安侯侯在者族矣竇嬰文帝竇皇后從兄故先帝防慎

子魏其侯也為丞相坐與灌夫朋黨棄市舅氏不令在樞機之位

樞機近要之官也春秋運斗樞也機諸子之封裁令半楚淮陽諸國常謂我子不當與先

帝子等今有司柰何欲以馬氏比陰氏乎吾為天下母

而身服大練食不求甘左右但著帛布無香薰之飾者

欲身率下也以為外親見之當傷心自勅但笑言太

素好儉前過濯龍門上見外家問起居者車如流水馬

如游龍倉頭衣絲構領袖正白構臂衣今之臂鞬以顧

視御者不及遠矣故不加譴怒但絕歲用而已冀以默

愧其心而猶懈怠無憂國忘家之慮知臣莫若君况親

屬乎吾豈可上負先帝之旨下虧先人之德重襲西京

敗亡之禍哉固不許西京外戚呂祿呂產竇嬰上帝省

詔悲歎復重請曰漢興舅氏之封侯猶皇子之為王也

太后誠存謙虛柰何令臣獨不加恩三舅乎且衛尉年

尊兩校尉有大病衛尉太后兄廖兩如令不諱使臣長

抱刻骨之恨宜及吉時不可稽留太后報曰吾反覆念

之思令兩善豈徒欲獲謙謙之名而使帝受不外施之

嫌哉

以恩澤封爵外家為外施也

昔竇太后欲封王皇后之兄

竇太后支

帝后也王皇后景帝后也兄即王信後封為蓋侯

丞相條侯言受高祖約無軍

功非劉氏不候今馬氏無功於國豈得與陰郭中與之

后等邪常觀富貴之家祿位重疊猶再實之木其根必

傷

文子曰再實之木根必傷掘藏之家後必殃也

且人所以願封侯者欲上奉

祭祀下求溫飽耳今祭祀則受四方之珍衣食則蒙御

府餘資斯豈不足而必當得一縣乎吾計之孰矣勿有

疑也夫至孝之行安親為上今數遭變異穀價數倍憂

惶晝夜不安坐卧而欲先營外封違慈母之拳拳乎吾

素剛急有胃中氣不可不順也若陰陽調和邊境清靜

然後行子之志吾但當含飴弄孫不能復關政以時新

平主家御者失火延及北閣後殿太后以為已過起居

不歡時當謁原陵自引守備不慎慙見陵園遂不行初

太夫人葬起墳微高太后以為言兄廖等即時減削其

外親有謙素義行者輒假借溫言賞以財位如有纖介

則先見嚴格之色然後加譴其美車服不軌法度者便

絕屬籍遣歸田里廣平鉅鹿樂成王車騎朴素無金銀

之飾帝以白太后太后即賜錢各五百萬於是內外從

化被服如一諸家惶恐倍於永平時乃置織室蠶於濯

龍中

前書有東織西織屬少府平帝改各織室

數往觀視以為娛樂常與帝

旦夕言道政事及教授諸小王論語經書述叙平生雍

和終日四年天下豐稔方垂無事帝遂封三舅廖防光

為列侯並辭讓願就關內侯太后聞之曰聖人設教各

有其方知人情性莫能齊也

禮記王制曰凡居人材必因天地寒暖燥濕廣谷大

川異制人居其間異俗修其教不易其俗齊其政不易其宜中國戎夷丑方之人皆有性也不可推移吾

少壯時但慕竹帛志不顧命

言少慕古人書名竹帛不顧命之長短

今雖

已老而復戒之在得故日夜惕厲思自降損居不求安

食不念飽冀乘此道不負先帝所以化導兄弟共同斯

志欲令瞑目之日無所復恨何意老志復不從哉萬年

之日長恨矣廖等不得已受封爵而退位歸第焉太后

其年寢疾不信巫祝小醫數勅絕禱祀至六月崩在位

二十三年年四十餘合葬顯節陵

賈貴人南陽人建武末選入太子宮中元二年生肅宗

而顯宗以為貴人帝既為太后所養專以馬氏為外家

故貴人不登極位賈氏親族無受寵榮者及太后崩乃

策書加貴人王赤綬

續漢書曰諸侯王赤綬也

安車一駟永巷宮人

二百

永巷宮中署名後改為掖庭永巷宮人即宮婢

御府雜帛二萬匹大司農

黃金千斤錢二千萬

竇皇后紀

章德寶皇后諱某扶風平陵人大司徒融之曾孫也祖

穆父勲坐事死事在寶融傳勲尚東海恭王彊女泚陽

公主后其長女也家既廢壞數呼相工問息耗薛氏韓詩章句

日耗惡也息耗猶言善惡也見后者皆言當大尊貴非臣妾容貌年

六歲能書親家皆竒之建初二年后與女弟俱以選例

入見長樂宮進止有序風容甚盛肅宗先聞后有才色

數以訊諸姬傳訊問也傳謂傳母及見雅以為美馬太后亦異

焉因入掖庭見於北宮章德殿后性敏給傾心承接稱

譽日聞明年遂立為皇后妹為貴人七年追爵謚后父

勲為安成思侯安成縣屬汝南郡故城在今豫州吳房縣東南后寵幸殊特專

固後宮初宋貴人生皇太子慶梁貴人生和帝后既無

子並疾忌之數聞於帝漸至踈嫌因誣宋貴人挾邪媚

道遂自殺廢慶為清河王語在慶傳梁貴人者梁竦之

女也少失母為伯母舞陰長公主所養長公主光武女梁松尚焉年

十六建初二年亦與中姊俱選入掖庭為貴人四年生

和帝后養為己子欲專名外家而忌梁氏八年乃作飛

書以陷竦飛書若今匿名書也竦坐誅貴人姊妹以憂卒自是宮

房懾息懾懼也音懾周書曰臨捕以威而氣懾懼也后愛日隆及帝崩和帝

即位尊后為皇太后皇太后臨朝尊母泚陽公主為長

公主益湯沐邑三千戶兄憲弟篤景並顯貴擅威權後

遂密謀不軌永元四年發覺被誅九年太后崩未及葬

而梁貴人姊嫗音一計反上書陳貴人枉歿之狀太尉張酺

司徒劉方司空張奮上奏依光武黜呂太后故事中元元年

黜呂后不宜配食高廟貶太后尊號不宜合葬先帝百官亦多上

言者帝手詔曰竇氏雖不遵法度而太后常自減損朕

奉祀十年深惟大義禮臣子無貶尊上之文恩不忍離

義不忍虧案前世上官太后亦無降黜上官太后昭帝后也父安與燕

王謀反誅太后以年少又霍光外孫故不廢也其勿復議於是合葬敬陵在位

十八年帝以貴人酷歿歛葬禮闕乃改殯於承光宮上

尊謚曰恭懷皇后謚法曰敬事尊上曰恭慈仁哲行曰懷追服喪制百官

縞素與姊大貴人俱葬西陵儀比敬園敬園安帝祖母宋貴人之園也

陰皇后紀

和帝陰皇后諱某光烈皇后兄執金吾識之曾孫后少

聰慧善書藝永元四年選入掖庭以先后近屬故得為

貴人有殊寵八年遂立為皇后自和熹鄧后入宮愛寵

稍衰數有恚恨后外祖母鄧朱出入宮掖十四年夏有

言后與朱共挾巫蠱道巫師為蠱故曰巫蠱左傳注曰蠱惑也事發覺帝

遂使中常侍張慎與尚書陳褒於掖庭獄雜考案之朱

及二子奉毅與后弟軼輔敞辭語相連及以為祠祭祝

詛大逆無道奉毅輔考死獄中帝使司徒魯恭持節賜

后策上璽綬遷于桐宮以憂死立七年葬臨平亭部

亭部內父特進綱自殺軼敞及朱家屬徙日南北景縣之地也

宗親內外昆弟皆免官還田里永初四年鄧太后詔赦

陰氏徙者歸故郡還其資財五百餘萬

鄧皇后紀

和熹鄧皇后諱綏蔡邕曰謚法有功安人曰熹太傅禹之孫也父訓

護羌校尉母陰氏光烈皇后從弟女也后年五歲太傅

夫人愛之自為翦髮夫人年高目冥誤傷后額忍痛不

言左右見者怪而問之后曰非不痛也夫人哀憐為斷

髮難傷老人意故忍之耳六歲能史書史書周宣王太史籀所作大篆

千五篇也前書日教學童之書十二通詩論語諸兄每讀經傳輒下意

難問志在典籍不問居家之事母常非之曰汝不習女

工以供衣服乃更務學寧當舉博士邪后重違母言晝

修婦業暮誦經典家人號曰諸生父訓異之事無大小

輒與詳議永元四年當以選入會訓卒后晝夜號泣終

三年不食鹽菜憔悴毀容親人不識之后嘗夢捫天捫也

蕩蕩正青若有鍾乳狀乃仰嗽飲之以訊諸占夢言

堯夢攀天而上湯夢及天而喏之喏音是斯皆聖王之前

占吉不可言又相者見后驚曰此成湯之法也續漢書日相者

待詔相公蘇文日此成湯之骨法家人竊喜而不敢宣后叔父陔言常

聞活千人者子孫有封兄訓為謂者使修石白河歲活
 數千人天道可信家必蒙福初太傅禹歎曰吾將百萬
 之衆未嘗妄殺一人其後世必有興者七年后復與諸
 家子俱選入宮后長七尺二寸姿顏姝麗姝美色也詩曰彼姝者子
 絕異於衆左右皆驚八年冬入掖庭為貴人時年十六
 恭肅小心動有法度承事陰后夙夜戰兢接撫同列常
 克已以下之雖官人隸役皆加恩惜帝深嘉焉及后有
 疾特令后母兄弟入親醫藥不限以日數后言於帝曰
 宮禁至重而使外舍久在內省外舍外家上令陛下有幸私
 之譏下使賤妾獲不知足之謗上下交損誠不願也帝

曰人皆以數入為榮貴人反以為憂深自抑損誠難及

也每有燕會諸姬貴人競白修整簪珥光采桂裳鮮明

說文簪笄也珥瑱也以玉充耳釋名曰婦人上無曰簪而后獨着素裝服無飾其

衣有與陰后同色者即時解易若並特進見則不敢正

坐離立行則僂身自卑離立也禮記曰離坐離立無往參焉帝每有所問

常逡巡後對不敢先陰后言帝知后勞心曲體歎曰脩

德之勞乃如是乎後陰后漸踈每常御見輒辭以疾時

帝數笑皇子后憂繼嗣不廣數選進才人以博帝意陰

后見后德稱日盛不知所為遂造祝詛欲以為害帝嘗

寢病危甚陰后密言我得意不令鄧氏復有遺類后聞

乃對左右流涕言曰我竭誠盡心以事皇后竟不為所

祐而當獲罪於天婦人雖無從死之義然周公身請武

王之命武王有疾周公為之請命於太王王季文王曰

越姬心誓必死之分越姬楚昭王之姬越王句踐女也

曰樂則樂矣而不可久也王曰願與子生死若此姬曰

君王樂遊要妾以死不敢間命後王病有赤雲夾日如

飛鳥王問周太史史曰是言王身請移於將相王曰將

相於孤猶股肱也不聽姬曰大哉君王之德妾請從王

死矣昔日遊樂是以不致聽命今君王復禮國人為君

王死何况妾乎妾願先驅孤狸於地下昔日口雖不言

心詩之矣妾聞信者不負其心遂傳也上以報帝之恩中以

自殺故曰心誓事見列女傳也上以報帝之恩中以

解宗族之禍下不令陰氏有人豕之譏高帝愛幸戚夫

斷夫人手足去眼薰耳使即欲飲藥言人趙王者固禁

之因詐言屬有使來上疾已愈后信以為然乃止明日

帝果瘳十四年夏陰后以巫蠱事廢后請救不能得帝

便屬意焉后愈稱篤疾深自閉絕會有司奏建長秋宮

帝曰皇后之尊與朕同體承宗廟母天下豈易哉唯鄧

貴人德冠後庭乃可當之至冬立為皇后辭讓者三然

後即位手書表謝深陳德薄不足以充小君之選是時

方國貢獻競求珍麗之物自后即位悉令禁絕歲時但

供紙墨而已帝每欲官爵鄧氏后輒哀請謙讓故兄隲

終帝世不過虎賁中郎元興元年帝崩長子平原王有

疾而諸皇子夭歿前後十數後生者輒隱祕養於人間

殤帝生始百日后乃迎立之尊后為皇太后太后臨朝

和帝葬後宮人並歸園太后賜周馥貴人策曰朕與貴

人託配後庭共歡等列十有餘年不獲福祐先帝早棄

天下孤心煢煢煢煢孤特貌詩曰煢煢在疚靡所瞻仰夙夜永懷感

愴發中今當以舊典分歸後園慘結增歎燕燕之詩曷

能喻焉詩邶鄘序曰衛莊姜送歸妾也其詩曰燕燕于飛差也其羽之子于歸遠送于野瞻望不及泣

涕如其賜貴人玉青蓋車采飾輅驂馬各一駟黃金三

十斤雜帛三千匹白越四千端又賜馮貴人王赤綬以

未有頭上步搖環珮加賜各一具周禮王后首服為副所以副首為飾若今

步搖也釋名曰皇后首副是時新遭大憂法禁未設宮

中亡大珠一篋太后念欲考問必有不辜乃親閱宮人

觀察顏色即時首服又和帝幸人吉成御者共枉吉成

以巫蠱事遂下掖庭考訊辭證明白太后以先帝左右

待之有恩平日尚無惡言今反若此不合人情更自呼

見實覈果御者所為莫不歎服以為聖明常以鬼神難

徵淫祀無福乃詔有司罷諸祠官不合典禮者又詔赦

除建武以來諸犯妖惡及馬竇家屬所被禁錮者皆復

之為平人減大官導官尚方內者服御珍膳靡麗難成

之物漢官儀曰太官主膳羞也前書音義曰導官主導擇朱以供祭祀尚方掌工作刀劍諸物及刻玉為

器漢官儀曰內者自非供陵廟稻梁米不得導擇朝夕

順治十五年刊 後漢書卷十七 三

一肉飯而已舊大官湯官經用歲且二萬萬也太后

勅止曰殺省珍費自是裁數千萬及郡國所貢皆減其

過半悉斥賣上林鷹犬其蜀漢卸器九帶佩刀並不復

調蜀蜀郡也漢廣漢郡也二郡主作供進之器元帝時貢禹上書蜀廣漢王金銀器各用五百萬是也卸音

口以金銀緣器也止畫工三十九種又御府尚方織室錦繡冰

紈綺縠金銀珠玉犀象璆瑁彫鏤翫弄之物皆絕不作

離宮別館儲峙米糒薪炭悉令省之儲峙猶蓄積也糒乾飯也又詔

諸園貴人其宮人有宗室同族若羸老不任使者令園

監實覈止名自御北宮增喜觀閱問之恣其去留即日

免遣者五六百人及殤帝崩太后定策立安帝猶臨朝

政以連遭大憂百姓苦役大憂謂和帝殤帝崩殤帝康陵方中祕

藏方中陵中也冢藏之中故言祕也及諸工作事事減約十分居一詔

告司隸校尉河南尹南陽太守曰每覽前代外戚賓客

假借威權輕薄認詞言忽遽也認音七洞反詞音洞至有濁亂奉公為

人患苦咎在執法怠懈不輒行其罰故也今車騎將軍

騰等雖懷敬順之志而宗門廣大姻戚不少賓客姦猾

多于禁憲干犯也其明加檢勅勿相容護自是親屬犯罪

無所假貸太后愍陰氏之罪廢赦其徙者歸鄉勅還資

財五百餘萬永平元年爵號大夫人為新野君萬戶供

湯沐邑湯沐者取其賦稅以供湯沐之具也二年夏京師旱親幸洛陽寺

錄冤獄有囚實不殺人而被考自誣羸困與見畏吏不敢言將去舉頭若欲自訴太后察視覺之即呼還問狀具得枉實即時收洛陽令下獄抵罪行未還宮澍雨大降三年秋太后體不安左右憂惶禱請祝辭願得代命太后聞之即譴怒竊勅掖庭令以下但使謝過祈福不得妄生不祥之言舊事歲終當饗遣衛士舊事衛士得代歸者上親饗焉前書蓋寬饒傳曰歲盡當代上臨饗罷衛卒是也大讎逐疫禮記月令有大讎旁磔土牛以送寒氣鄭玄注云讎陰氣也此月之中日歷虛危有墳墓四星之氣為厲鬼隨疆陰出以害人故讎却之也太后以陰陽不和軍旅數興詔饗會勿設戲作樂減逐疫俛子之半俛子逐疫之人也音振薛綜注西京賦云俛之言善也善童幼子也續漢書曰大讎

選中黃門子弟年十歲以上十歲以下悉罷象索馳之

百二十人為俛子比日赤憤皇製執大靴屬豐年復故太后宮曰入宮掖從曹大家受經書兼天文

筭數書省王政夜則誦讀而患其誤謬懼乖典章乃博

選諸儒劉珍等及博士議郎四府掾史五十餘人詣東

觀讎校傳記讎也事畢奏御賜葛布各有差又詔中官

近臣於東觀受讀經傳以教授宮人左右習誦朝夕濟

濟及新野君薨太后自侍疾病至乎終盡憂哀毀損事

加於常贈以長公主亦綬東園祕器主衣繡衾東園署名屬少

府主作凶器又賜布三萬匹錢三千萬隲等遂固讓錢

故言祕也布不受使司空持節護喪事儀比東海恭王謚曰敬君

後漢書卷一百一

太后諒闇既終

諒闇居喪之廬也或為諒陰諒信也陰默也言居憂信默不言

七年正

月初入太廟齋七日賜公卿百僚各有差庚戌謁宗廟

率命婦群妾相禮儀

補助也儀禮曰命夫者男子之與為大夫也命婦者大夫之妻也

皇帝交獻親薦成禮而還

周禮宗廟祭之日旦王服衮冕而入立於阼后服副禕從

玉而入王以圭瓚酌鬱鬯以獻尸次后以璋瓚酌鬱鬯以獻尸此謂交獻也卒事凡九獻焉

因下詔

曰凡供薦新味多非其節或鬱養強孰或穿掘萌牙味

無所至而天折生長豈所以順時育物乎傳曰非其時

不食

論語曰不時不食言非其時物則不食之前書自召信臣曰不時之物有傷於人不宜以奉供養

今當奉祠陵廟及給御者皆須時乃上凡所省二十三

種自太后臨朝水旱十載四夷外侵盜賊內起每聞人

饑或達旦不寐而躬自減徹以救災阨故天下復平歲

還豐穰元初五年平望侯劉毅

平望縣屬北海郡今青州北海縣西北平望臺

是也一名望海臺也

以太后多德政欲令早有注紀上書安帝曰

臣聞易載羲農而皇德著

易繫辭曰古者庖羲氏之王天下仰觀象於天俯觀法於

地於是始畫八卦以通神明之德以類萬物之情庖羲氏沒神農氏作斲木為耜揉木為耒耜之利以教天下伏羲神農為三皇故言皇德也

書述唐虞而帝道崇故雖聖明必書

功於竹帛流音於管絃

竹謂簡冊帛謂縑素黃帝以下六代樂音所以章顯功德是流

音於管絃

伏惟皇太后膺大聖之姿體乾坤之德

易曰聖人與天地合

其德齊蹤虞妃比跡任姒

虞妃即舜妻娥皇女英也任文王母姒武王母也孝悌

慈仁允恭節約杜絕奢盈之源防抑逸欲之兆正位內

朝流化四海易家人卦曰女正位乎內正家而天下定矣禮記曰東夷西戎南蠻北狄謂之四海

及元興延平之際國無儲副仰觀乾象參之人譽援立

陛下為天下主永安漢室綏靜四海又遭水潦東州饑

荒延平元年安帝初即位六州大水永初元年稟司隸兗豫徐冀并六州貧人也垂恩元元冠

蓋交路菲薄衣食躬率群下損膳解驂以贍黎苗廣雅云苗

也衆惻隱之恩猶視赤子隱痛也尚書曰若保赤子惟人其康又也克已引愆

顯揚仄陋崇晏晏之政尚書考靈耀曰文基晏晏敷在寬之教敷布也尚

書曰五教在寬興滅國繼絕世錄功臣復宗室追還徙人蠲除

禁錮政非惠和不圖於心制非舊典不訪於朝弘德洋

溢充塞宇宙洪澤豐沛漫衍八方華夏樂化戎狄混并

不功著於大漢碩惠加於生人魏魏之業可聞而不可

及蕩蕩之勲可誦而不可名古之帝王左右置史禮記

曰動則左史書之漢之舊典世有注紀夫道有夷崇治

有進退若善政不述細異輒書是為堯湯負洪水大旱

之責而無成熙假天下之美咸皆也熙廣也尚書曰庶績咸熙言堯之朝政衆功

皆廣假音格至也尚書曰祐我烈祖格于皇天言高宗

成王有雉雒迅風之變而無中興康寧之功也高宗殷

乙之子名武丁當祭成湯有飛雉升鼎耳而雉高宗修

德殷道中興成王疑周公乃有雷電大風之變成王改

過幾刑上考詩書有虞二妃周室三母尚書曰釐降二

措也虞三母謂后稷母姜嫄文王母太任武王母太姒也詩

順治十五年刊

後漢后紀一

三

又曰太姒嗣徽音則百斯男也修行佐德詩云既有烈考亦有文母是皆作右字右有音闕門限也左傳曰婦人送耳不當作有也迎不出門見兄弟不踰闕思不踰闕

未有內遭家難外遇災害覽總大麓經營天物麓錄也言大錄

萬機之政書曰納于大麓又曰暴殄天物也功德巍巍若茲者也宜令史官

著長樂宮注聖德頌以敷宣景耀勒勳金石縣之日月

易曰縣象著明莫大乎日月攄之罔極以崇陛下烝烝之孝帝從之

廣雅曰攄舒也孔安國注尚書曰烝烝猶進進也六年太后詔徵和帝弟濟北

河間王子男女年五歲以上四十餘人又鄧氏近親子

孫三十餘人並為開邸第教學經書躬自監試尚幼者

使置師保朝夕入宮撫存詔導恩愛甚渥詔告也乃詔從

兄河南尹豹越騎校尉康等曰吾所以引納群子置之

學官者實以方今承百王之敝時俗淺薄巧偽滋生五

經衰缺不有化導將遂陵遲故欲褒崇聖道以匡失俗

傳不云乎飽食終日無所用心難矣哉今末世貴戚食

祿之家溫衣美飯乘堅驅良堅謂好車良謂善馬也墨子曰聖王為衣服之法堅

車良馬不知貴也而面墻術學不識臧否斯故禍敗所從來也

永平中四姓小侯皆令入學小侯解見明紀所以矯俗厲薄反

之忠孝先公既以武功書之竹帛兼以文德教化子孫

先公謂鄧禹禹有子十三人故能束脩不觸羅網言能自約

東修誠令兒曹上述祖考休烈下念詔書本意則足矣

其勉之哉康以太后久臨朝政心懷畏懼託病不朝太后使內人問之時宮婢出入多能有所毀譽其耆宿者皆稱中大人所使者乃康家先婢亦自通中大人康聞詎之曰汝我家出爾敢爾邪婢怒還說康詐疾而言不遜太后遂免康官遣歸國絕屬籍永寧二年二月寢病漸篤乃乘輦於前殿見侍中尚書因北至太子新所繕宮還大赦天下賜諸園貴人王主群僚錢布各有差詔曰朕以無德託母天下而薄祐不天早離大憂延平之際海內無主元元厄運危如累卵說苑曰晉靈公驕奢造九層之臺國困人貧恥功不成令曰左右諫者斬也荀息求見公曰諫邪息曰不敢臣能累十二博棊加九雞子其上公曰危哉

息曰復有危於此者公為九層之臺男女不得耕織社稷一滅君何所望君曰寡人之過乃壞臺焉勤勤

苦心不敢以萬乘為樂上欲不欺天愧先帝下不違人

負宿心誠在濟度百姓以安劉氏自謂感徹天地當蒙

福祚而喪禍內外傷痛不絕內外謂新野君薨及和殤二帝崩也頃以廢

病沈滯久不侍祠自力上原陵加欬逆唾血遂至不解

存亡大分無可柰何公卿百官其勉盡忠恪以輔朝廷

三月崩在位二十年年四十一合葬順陵

論曰鄧后稱制終身號令自出術謝前政之良身闕明

辟之義前政謂周公也辟君也尚書曰朕復子明辟言周公攝位復還成王今太后不還故曰闕也

至使嗣主側目歛衽於虛器器謂神器論帝位也直生懷懣懸書

於象魏象魏闕也直生杜根借之儀者殆其惑哉借猶假也

殆近也言太后不還太后建然而建光之後王柄有歸光之中

崩歸政安帝遂乃名賢戮辱便孽黨進帝寵用乳母王聖及

通傳姦賂太尉楊震及鄧其女伯榮出人官掖衰敦之來茲焉有徵敦敗也

政衰敗逾甚安帝臨故知持權引謗所幸者非已焦心卹患自

強者唯國言執持朝權以招衆謗者是以班母一說闔

門辭事太后兄大將軍騰以母憂上書乞身太愛姪微

行太后兄騰子鳳受遺事洩騰遂將杜根逢

誅未值其誠乎誠信也言未但蹊田之牛奪之已甚左

申叔時曰牽牛以蹊人之田而奪之牛牽牛以蹊者信

有罪矣而奪之牛罰已重矣此喻杜根上書雖曰有罪

太后殺之為過甚也

皇后紀第十上終

後漢書十

皇后紀第十下

後漢書十下

安思閻皇后 順烈梁皇后 孝崇段皇后

懿獻梁皇后 孝桓鄧皇后 桓思竇皇后

孝仁董皇后 孝靈宋皇后 靈思何皇后

獻帝伏皇后 獻穆曹皇后

閻皇后紀

安思閻皇后諱姬謚法曰謀慮不愆曰思河南滎陽人也祖父章

永平中為尚書以二妹為貴人章精力曉舊典父次當

遷以重職顯宗為後宮親屬竟不用出為步兵校尉漢

儀曰比二千石掌宿衛兵屬此軍中候也章生暢暢生后后有才色元初元

年以選入掖庭其見寵愛為貴人二年立為皇后

房妬忌帝幸宮人李氏生皇子保遂鳩殺李氏鳩毒鳥也食鳩

以其刑畫酒三年以后又侍中暢為長水校尉封北宜

春侯此宜春縣屬汝南郡以豫章有宜春故食邑五千

戶四年暢卒諡曰文侯子顯嗣建光元年鄧太后崩帝

始親政事顯及弟景耀晏並為卿校典禁兵延光元年

更封顯長社縣侯長社縣屬潁川郡前書音義曰其食

邑萬二千五百戶追尊后曰宗為榮陽君續漢志曰婦

公上油捷斬平帶綴以采組為緹帶顯景諸子年皆童

亂大戴禮曰一男八歲而齒六七歲並為黃門侍郎后寵既

盛而兄弟頗與朝權后遂與大長秋江京中常侍樊豐

等共譖皇太子保廢為濟陰王四年春后從帝幸章陵

帝道疾崩於葉縣后顯兄弟及江京樊豐等謀曰公晏

駕道次晏晚也臣下不敢斥言濟陰王在內邂逅公卿

立之還為大害乃偽云帝疾甚徙御卧車行四日驅馳

還宮明日詐遣司徒劉焉詣郊廟社稷告天請命其夕

乃發喪尊后曰皇太后皇太后臨朝祭也獨斷曰少帝

或前發朝考臣太后東面少帝西面以顯為車騎

將軍儀同三司太后欲久專國政貪立幼年與顯等定

策禁中迎濟北惠王子北鄉侯懿惠王名壽立為皇帝

顯忌大將軍耿寶耿余之弟位尊權重威行前朝乃風

有司奏寶及其黨與中常侍樊豐虎賁中郎將謝暉

暉侍中為篤弟大將軍長史宓善文曰暉字伯周宓字仲周篤字季周侍

中周廣阿母野王君王聖聖女永永壻黃門侍郎樊巖

等更相阿黨立作威福探刺禁省更為唱和皆大不道

豐暉廣皆下獄死家屬徙比景比景縣名屬日南郡前書音義曰日居於頭上

日景在已下故名之宓嚴減死髡鉗貶寶為則亭侯遣就國自殺

王聖母子徙鴈門於是景為衛尉耀城門校尉晏執金

吾兄弟權要威福自由少帝立二百餘日而疾篤顯兄

弟及江京等皆在左右京引顯屏語曰此卿侯病不解

國嗣宜時有定前不用濟陰王金右立之後必當怨又

何不早徵諸王子簡所置乎顯以爲然及少帝薨京曰

太后徵濟北河間王子未至而中黃門孫程合謀殺江

京等立濟陰王是為順帝顯景晏及黨與皆伏誅遷太

后於離宮家屬徙比景明年太后崩在位十二年合葬

恭陵帝母李氏瘞在洛陽城北帝初不知莫敢以聞及

太后崩左右白之帝感悟發哀親到瘞所更以禮殯上

尊謚曰恭愍皇后葬恭北陵為策書金匱藏于世祖廟

在恭陵之北因以為名漢官儀曰置陵園令食監各一人秩皆六百石金匱藏之以金

梁皇后紀

順列梁皇后諱納諡法曰執德專業曰烈大將軍商之

女恭懷皇后弟之孫也后生有光景之祥少善女工好

史書九歲能誦論語治韓詩韓嬰所傳詩也大義略舉常以列

女圖書置於左右以自監戒劉向撰列女傳八篇圖書其象父商深異

之竊謂諸弟曰我先人全濟河西所活者不可勝數商

祖統更始二年補中郎將酒泉太守使安集京州時西河擾亂衆議以統素有威信乃推統與廣融共完全五

郡雖大位不究而清德必昭流子孫者儻與此女

乎永建二年與姑母特年十三相工茅通見

后驚再拜賀曰月相之貴臣所未嘗

見也太史卜坤卦六五爻

象曰顯比之吉位正中也九五居得其位下應於上故吉遂以為貴人常特被引御

從容辭於帝曰夫陽以博施為德陰以不專為義螽斯

則百福之所由興也詩國風序曰言后妃若螽斯不如

嗣徽音則百斯男也願陛下思雲雨之均澤識貫魚之次序易曰

雨施品物流形剝卦曰貫魚以宮人寵無不利剝坤使

下艮上五陰而一陽衆陰在下駢頭相次似貫魚也

小妾得免罪謗之累由是帝加敬焉陽嘉元年春有司

奏立長秋宮以乘氏侯商先帝外戚商祖姑章帝貴春

秋之義娶先大國公羊傳曰天子娶於紀紀本于爵也先襄為侯言王者不娶於小國也

梁小貴人宜配天祚正位坤極帝從之乃於壽安殿立

貴人為皇后壽安是德陽宮內殿各后既少聰失惠深覽前世得

雖以德進不敢有驕專之心每日月見謫

謫責也禮記云揚事不得

謫見於天日爲之食陰事不得謫見於天月爲之食

輒降服求愆建康元年帝崩

后無子美人虞氏子炳立是爲冲帝尊后爲皇太后太后臨朝冲帝尋崩復立質帝猶秉朝政時揚徐劇賊寇擾州郡西羌鮮卑及日南蠻夷攻城暴掠賦歛煩數官民困竭太后夙夜勤勞推心仗賢委任太尉李固等拔用忠良務崇節儉其貪叨罪慝多見誅廢分兵討伐羣寇消夷故海內肅然宗廟以寧而兄大將軍冀鳩殺質帝專權暴濫忌害忠良數以邪說疑誤太后遂立桓帝而誅李固太后又溺於宦官多所封寵以此天下失望

和平元年春歸政於帝太后寢疾遂篤乃御輦幸宣德殿見宦省官屬及諸梁兄弟詔曰朕素有心中結氣從聞以來加以浮腫逆害飲食寢以沈困比使內外勞心請禱私自忖度日夜虛劣不能復與羣公卿士共相終竟援立聖嗣恨不久育養見其終始今以皇帝將軍兄弟委付股肱其各自勉焉後二日而崩在位十九年年四十五合葬

虞美人者以良家子年十三選入掖庭

續漢志曰美人父詩爲郎中詩

父衡屯騎校尉

又生女舞陽長公主自漢興母氏莫不尊寵順

帝既未加美入爵號而冲帝早夭大將軍梁冀秉政忌

惡佗族故虞氏抑而不登但稱大家而已陳夫人者家

本魏郡少以聲伎入孝王宮得幸生質帝亦以梁氏故

榮寵不及焉熹平四年小黄門趙祐續漢志曰小黄門六百石宦者無員

掌侍左右受尚書事上在內宮關過中外反中官議郎

以下眾事諸公主及王大妃等疾苦則使問之

單整上言風俗通曰單氏鄭大夫單謀之後漢有單躬為北平太守春秋之義母以

子貴公羊傳曰桓公幼而貴隱公長而單桓何以貴隆母貴也母貴則子何以貴子以母貴母以子貴

漢盛典尊崇母氏凡在外戚莫不加寵今冲帝母虞大

家質帝母陳夫人皆誕生聖皇而未有稱號夫臣子雖

賤尚有追贈之典况二母見在不蒙崇顯之次無以述

尊先世垂示後世也帝感其言乃拜虞大家為憲陵吳

陳夫人為渤海孝王妃孝王名鴻章帝子千乘貞王位之孫治而生質帝帝立徙渤海焉

使中常侍持節授印綬遣太常以三牲告憲陵懷陵靜

陵焉懷陵冲帝陵靜陵質帝陵

夏皇后紀

孝崇夏皇后諱明為豸吾侯翼滕妾豸吾侯翼河間生王開子和帝孫

桓帝桓帝即位明年追尊翼為孝崇皇陵曰博陵以后

為博園貴人和平元年梁太后崩乃就博陵尊后為孝

崇皇后遣司徒持節奉策授爾綬齋乘輿器服備法物

宮曰永樂置太僕少府以下皆如長樂宮故事漢官儀曰帝祖

母稱長信宮帝母稱長樂宮故有長信又置虎音羽林

衛士起宮室分鉅鹿九縣為后湯沐邑在位三年元嘉

二年崩以帝弟平原王石為喪主石蓋吾侯翼子桓帝兄欽以東

園書梓壽器玉匣飯含之具禮儀制度比恭懷皇后東

署名屬少府掌為棺器梓木為棺以漆畫之稱壽器者

欲其以長也猶如壽堂壽宮壽陵之類也漢舊儀曰梓

樹長二丈廣四尺玉匣者覆骨已下為匣至使司徒持節

大兵秋奉甲祠賻錢四千萬布四萬匹中謁者僕射典

護喪事侍御史護大駕鹵簿漢官儀曰天子車駕次第

駕大駕公卿奉引大將軍參乘大僕御屬車八十一乘

備千乘萬騎侍御史在左駕馬詢問不法者今儀比車

駕故以侍御詔安平王豹河間王建渤海王悝長社益

陽二長公主長社公主桓帝妹弟霸玄孫援尚馬

與諸國侯三百里內者及中二千石二千石令長相皆

會葬將作大匠復土繕廟合葬博陵

梁皇后紀

桓帝懿獻梁皇后諱女瑩謚法曰溫和聖善曰諱順烈

后之女弟也帝初為蠡吾侯梁太后徵欲與后為婚未

及嘉禮會帝崩因以立帝明年有司奏太后曰春秋

迎正后于紀在塗則稱后公羊傳曰祭公來迎王后于

公其稱王后何王今大將軍冀女弟膺紹聖善膺當也

者無外其辭成矣今大將軍冀女弟膺紹聖善謂太后先

聖善謂母也言娶妻當結婚之際有命既集謂太后先

親也詩云天監在宜備禮章時進徵幣徵成也請下

下有命既集也

三公太常案禮儀奏可於是悉依孝惠皇帝納后故事
聘黃金二萬斤納采鴈乘馬束帛一如舊典

漢書書
儀禮曰納采用鴈鄭玄注云納其采擇之禮用鴈取

順陰陽往來也周禮王者教士以聘女鄭玄注云士大

法以上乃以玄纁束帛天子加以教士諸侯加以大

馬也雜記曰納幣一束束五兩兩五尋然則每端二丈

也建和元年六月始入掖庭八月立為皇后時太后秉

政而梁冀專朝故后獨得寵幸自下莫得進見后藉姊

兄廢執恣極奢靡宮帷彫麗服御珍華巧飾制度兼倍

前世及皇太后崩恩愛稍衰心既無子潛懷怨忌每宮

人孕育鮮得全者帝雖迫畏梁冀不敢譴怒然見

稀至延熹二年后以憂恙崩在位十三年葬懿陵其歲

誅梁冀廢懿陵為貴人家焉

鄧皇后紀

桓帝鄧皇后諱猛女和熹皇后從兄子鄧香之女也母

宣初適香生后改嫁梁紀紀者大將軍梁冀妻孫壽之

舅也后少孤隨母為居因冒姓梁氏冀妻見后貌美未

與中進入掖庭為采女絕幸

采擇也以因
明年封兄鄧

演為南頓侯位特進演卒子康嗣及懿獻后崩梁冀誅

立后為皇后帝惡梁氏改姓為薄封后母宣為長安君

四年有司奏后本郎中鄧香之女不宜改易它姓於是

復為鄧氏追封贈香車騎將軍安陽侯印綬更封宣康
大縣宣為昆陽君康為泚陽侯賞賜三萬計宣卒贈贈
葬禮皆依后母舊儀以康弟統襲封昆陽侯位侍中統
從兄會襲安陽侯為虎賁中郎將又封統弟秉為清陽
侯宗族皆列校即將帝多內去博採宮女至五六千人
及驅役從使復兼倍於此而丘侍尊驕忌與帝所幸郭
貴人更相譖訴八年詔廢后送暴室以憂死漢官儀曰
暴室在掖
庭內丞一人主宮中婦人疾疢者立七年葬於北却從
其皇后貴人有罪亦就此室也父河南尹萬世及會皆下獄死統等亦繫暴室免官時
歸本郡財物没入縣官

竇皇后紀

桓思竇皇后諱妙章德皇后從祖弟之孫女也延熹八
年鄧皇后廢后以選入掖庭為貴人其冬立為皇后而
御見甚稀帝所寵唯采女田聖等永康元年冬帝寢疾
遂以聖等九女皆為貴人及崩無嗣后為皇太后太后
臨朝定策立解犢侯宏是為靈帝太后素忌忍積怒田
聖等桓帝梓宮尚在前殿遂殺田聖又欲盡誅諸貴人
中常侍管霸蘇康苦諫乃止時太后父大將軍武謀誅
宦官而中常侍曹節等矯詔殺武遷太后於南宮靈臺
家屬徙比景竇氏雖誅帝猶以太后有援立之功建寧

四年十月朔率羣臣朝于南宮親饋上壽黃門令董萌

漢官儀曰黃門因此數為太后訴怨帝深納之供養資

奉有加於前中常侍曹節王甫疾萌附助太后誣以謗

訕永樂宮靈帝母所居萌坐下獄死熹平元年太后母

卒於比景仁感疾而崩立七年合葬宣陵

董皇后紀

孝仁董皇后諱某河間人為解犢侯長夫人長河間孝

之子生靈帝建寧元年帝即位追尊長為孝仁皇陵曰

慎陵以后為慎園貴人及竇氏誅明年帝使中常侍迎

貴人并徵貴人兄寵到京師上尊號曰孝仁皇后居南宮

嘉德殿嘉德心殿在九龍門內宮稱永樂拜寵執金吾後坐橋橋水

樂后屬請下獄死及竇太后崩始與朝政使帝賣官求

貨自納金錢盈滿堂室中平五年以后兄子衛尉脩侯

重脩今德州縣故城在為驃騎將軍領兵千餘人初后

自養皇子協數勸帝立為太子而何皇后恨之議未及

定而帝崩何太后臨朝重與太后兄太將軍進權執相

害后每欲參干政事太后輒相禁塞后忿恚言曰汝

今斬張怙汝兄耶朝張藉疆梁也當勅驃騎斷何進頭來何太

后聞以告進進與三公及弟車騎將軍苗等奏孝仁皇

后使故中常侍夏惲永樂太僕封諳等交通州郡漢官

永樂太僕用 中人為之 辜較在所珍寶貨賂悉入西省 辜較解見
 即謂永樂 宮之司 蕃后故事不得留京師 蕃后謂平帝母衛姬
 權后不得留在京 師故云故事也 輿服有章膳羞有品請永樂后遷宮
 本國奏可何進遂舉兵圍驃騎府收重重免官自殺后
 憂怖疾病暴崩在位二十二年民間歸咎何氏喪還河
 間合葬慎陵

宋皇后紀

靈帝宋皇后諱某扶風平陵人也肅宗宋貴人之從曾
 孫也 劉劭曰案宋貴人安得有從 建寧三年選入掖
 庭為貴人明年立為皇后父鄴執金吾封不其鄉侯 其

縣屬琅邪郡故城在今萊州即墨縣西南 后無寵而居

正位後宮幸姬眾共譖毀初中常侍王甫枉誅勃海王

惺及妃宋氏 熹平元年王甫譖惺與中常侍鄭颺 妃即

后之姑也甫恐后怨之乃與大中大夫程阿共構言皇

后挾左道祝詛 禮記曰執左道以亂眾殺無 帝信之光

和元年遂策收重綬后自致暴室以憂死在位八年父

及兄弟並被誅諸常侍小黃門在省闈者皆憐宋氏無

辜共合錢物收葬廢后及鄴父子歸宋氏舊塋臯門亭

詩云天立臯門注云王之郭門曰 帝後夢見桓帝怒曰

宋皇后有何罪過而聽用邪孽使絕其命勃海王惺既

已自貶又受誅斃今宋氏及悝自訴於天上帝震怒罪
在難救夢殊明察帝既覺而恐以事問於羽林左監許

永

續漢志曰羽林左監一人秩六百石
主羽林左騎右亦知之永或作詠

曰此何祥其可

禳乎

禳謂除也

永對曰宋皇后親與陛下共承宗廟母臨萬

國歷年已久海内蒙化過惡無聞而虛聽讒妬之說以
致無辜之罪身嬰極誅禍及家族天下臣妾咸為怨痛

勃海王悝桓帝母弟也處國奉藩未嘗有過陛下曾不

證審遂伏其辜昔晉侯失刑亦夢大厲被髮屬地

左傳曰晉

侯夢大厲被髮及地搏膺而踊曰殺余孫不義余得請
于帝矣杜預注曰厲鬼趙氏之先祖也晉侯先殺趙同

趙括故怒也

天道明察鬼神難誣宜并改葬以安冤魂反宋

后之徙家復勃海之先封以消厥咎帝弗能用尋亦崩
焉

何皇后紀

靈思何皇后諱某南陽宛人家本屠者以選入掖庭

風俗

通曰漢以八月筭人后家以金帛賂遺主者以求入也

長七尺一寸生皇子辯養

於史道人家號曰史侯

道人謂道術之人也獻帝春秋日靈帝數失子不敢正名養道人

人史子眇家號曰史侯

拜后為貴人甚有寵幸性彊忌後宮莫不

震懾光和三年立為皇后明年追號后父真為車騎將

軍舞陽宣德侯因封后母與為舞陽君時王美人任娠

畏后乃服藥欲除之而胎安不動又數夢負日而行四

年生皇子協后遂酖殺美人帝大怒欲廢后諸宦官固請得止董太后自養協號曰董侯

王美人趙國人也祖父苞五官中郎將美人豐姿色聰敏有才明能書會計以良家子應法相選入掖庭帝愍協早失母又思美人作追德賦令儀頌中平六年帝崩皇子辯卽位尊后爲皇太后太后臨朝后兄大將軍進欲誅宦官反爲所害舞陽君亦爲亂兵所殺并州牧董卓被徵將兵入洛陽陵虐朝廷遂廢少帝爲弘農王而立協是爲獻帝扶弘農王下殿北面稱臣太后鯁涕群臣含悲莫敢言董卓又議太后跽迫永樂宮至今憂死

逆婦姑之禮乃遷於永安宮因進酖祇而崩在位十年

董卓令帝出奉常亭舉哀

華延傳洛陽記曰城內有奉常亭

公卿皆白

衣會不成喪也

有凶事素服而朝謂之白衣會左傳曰不書葬不成喪

合葬文昭

陵初太后新立當謁二祖廟欲齋輒有變故如此者數

竟不克時有識之士心獨怪之後遂因何氏傾沒漢祚

焉明年山東義兵大起討董卓之亂卓乃置弘農王於

閣上使郎中令李儒進酖曰服此藥可以辟惡王曰我

無疾是欲殺我耳不肯飲強飲之不得已乃與妻唐姬

及宮人飲讌別酒行王悲歌曰天道易兮我何艱乘萬

乘兮退守著逆臣見迫兮命不延逝將去汝兮適幽玄

因令唐姬起舞姬抗袖而歌曰皇天崩兮后土頽身為
帝兮命天摧死生路異兮從此乖奈我楚獨兮心中哀
因泣下嗚咽坐者皆歔歔王謂姬曰卿王者妃執不復
為吏民妻自愛從此長辭遂飲藥而死時年十八唐姬
潁川人也王薨歸鄉里父會稽太守瑁欲嫁之姬誓不
許及李傕破長安遣兵鈔關東略得姬傕因欲妻之固
不聽而終不自名不自名少帝之姬也表宋尚書曹詡
知之魏志曰詡字文和少成姑臧人少時漢以狀白獻
帝帝聞感愴乃下詔迎如置園中使侍中持節拜為弘
農王妃初平元年二月始弘農王於故中常侍趙忠成

壙中趙忠元有成諡曰懷王帝求母王美人八兄斌斌將

妻子詣長安賜第宅田業拜奉車都尉興平元年帝加

元服有司奏立長秋宮詔曰朕真受不弘滿也值禍亂未

能紹先以光故典皇母前薨未卜宅兆禮幸于有闕中心

如結三歲之感蓋不言吉且須其後於是右司乃奏追

尊王美人為靈懷皇后改葬文昭陵儀比恭恭二陵敬

帝陵恭使光祿大夫持節行司空事奉璽綬以斌與河南

尹駱業復土斌還遷執金吾封都亭侯凡言都亭者並

大縣侯位視三公小縣侯位視食邑五百成也亭也漢法病卒贈前

將軍印綬謁者監護喪事長子端襲爵

伏皇后紀

獻帝伏皇后諱壽琅邪東武人東武今密州諸城縣司徒湛之

八世孫也父完沈深有**大度襲爵不其侯**尚桓帝女陽

安公主陽安縣屬汝南郡故城在今豫州開山縣東北為侍中初平元年從大

駕西遷長安后時入掖庭為貴人興平二年立為皇后

完遷執金吾帝尋而東歸李傕郭汜等追敗乘輿於曹

陽帝乃潛夜度河走渡所在今陝州陝縣北水經曰銅翁仲所沒處是獻帝東遷潛度所

六宮皆步行出營周禮曰王后率六宮之人鄭玄注曰六宮之人夫以下分居后之六宮

者后手持練數匹董承使符節今孫徽以司為奪之殺

傍侍者血賤后衣既至安已御服穿敝唯以棗栗為糧

建安元年拜完輔國將軍儀比三司完以政在曹操自

嫌尊戚乃上印綬拜中散大夫尋遷屯騎校尉十四年

卒子典嗣自帝都許守位而已宿衛兵侍莫非曹氏黨

舊姻戚議即趙彥嘗為帝陳言時策曹操惡而殺之其

餘內外多見誅戮操後以事入見殿中帝不任其憤因

曰君若能相輔則厚不爾幸垂恩相捨操失色俛仰求

出舊儀三公領兵朝見令虎賁執刃挾之操出顧左右

汗流浹背自後不敢復朝請董承女為貴人操誅承而

求貴人殺之帝以貴人有**嬰**也音仁蔭反累為請不能

得后自是懷懼乃與父完書言曹操殘逼之狀今密圖

之完不敢發至十九年事乃露泄操追大怒遂逼帝廢

后假為策曰自皇后壽得由卑賤登顯尊極自處椒房漢

義曰皇后稱椒房取其蕃實之二紀于茲既無任妙微

音之美太任文王母太姒武王母又乏謹身養已之福

左傳曰人受天地之中以生謂之命而陰懷妒害苞藏

禍心弗可以承天命奉祖宗今使御史大夫郝慮持節

策詔其上皇后璽綬蔡邕獨斷曰皇后赤綬玉璽續漢

淳黃圭綬長二丈九尺九寸五百首退避中宮遷于它

館嗚呼傷哉自壽取之未致于理為幸多焉又以尚書

令華歆為郝慮副魏志曰華歆字子魚平陽高唐人代

人勸兵入宮收后閉戶藏壁中劉劭曰案文歆就牽后

出時帝在外殿引慮於坐后被髮徒跣行泣過訣曰不

能復相活邪帝曰我亦不知命在何時顧謂慮曰郝公

天下寧有是邪遂將后下暴室以幽朋所生二皇子皆

醜殺之后在位二十年兄弟及宗族死者百餘人母盈

等十九人徙涿郡

曹皇后紀

獻穆曹皇后諱節諡法曰布德魏公曹操之中女也建

安十八年操進三女憲節華為夫人聘以束帛玄纁五

萬匹小者待年於國留住於國十九年並拜為貴人及

伏皇后被弑明年立節為皇后魏受禪遣使求璽綬后怒不與如此數輩后乃呼使者入親數讓之以璽抵軒下抵擲也軒闌板也因涕泣橫流曰天不祚爾左右皆莫能仰視后在位七年魏氏既立以后為山陽公夫人自後四十一年魏景初元年薨合葬禪陵車服禮儀皆依漢制論曰漢世皇后無謚皆因帝謚以為稱雖呂氏專政上官臨制亦無殊號上官昭帝后也中興明帝始建光烈之稱其後並以德為配至於賢愚優劣混同一貫故馬竇二后俱稱德焉其餘唯帝之庶母及蕃王承統以追尊之重特為其號如恭懷孝崇之比是也初平中蔡邕始追正

和熹之謚

蔡邕集謚議曰漢世母氏無謚至于明帝始建光烈之稱是後轉因帝號加之以德

優劣混而為一違禮大行受大名小行受小名之制法有功安人曰熹帝后一體禮亦宜同大行皇太后宜為和熹其安思順烈以下皆依而加焉

贊曰坤惟厚載陰止乎內詩美好逌

逌匹也詩云窈窕淑女君子好逌言

后妃有關雎之德為君子好匹

易稱歸妹

兌下震上歸妹卦也婦人謂嫁曰歸妹為少女之稱兌為

少陰震為長陽少陰而承長陽悅以動之嫁妹之象也以六五與九二相應五為王侯故易言帝乙歸妹祁

祁皇嬀言觀貞淑

祁祁眾多也嬀亦儷也觀示也言諸后皆示其貞淑配皇為儷案字書無

麗蕭該音離

媚茲良哲承我天祿班政蘭闈宣禮椒屋

班固西都賦曰後宮則掖庭椒房后妃之室蘭林蕙草被香發越蘭林殿名故言蘭闈椒屋即椒房也既

云德升亦曰幸進

德升謂馬鄧等也辛進謂閻何之類也

身當隆極族漸

河潤公羊傳曰河海潤千里也視景事暉方山並峻乘剛多阻行地

必順易屯卦象曰六二之難乘剛也又坤卦曰牝馬地類行地無疆王弼注云地之所以得無疆者以卑

順行之故也咎集驕滿福協貞信慶延自己禍成誰釁

漢制皇女皆封縣公主儀服同列侯漢法大縣侯視三公其尊崇

者加號長公主儀服同蕃王蔡邕曰帝女曰公主姊妹曰長公主建武十五年封

武陽公主為長公主即是帝女尊崇亦為長非惟姊妹也輿服志曰長公主赤芻駟車與諸侯同綬也諸

王女皆封鄉亭公主儀服同卿亭侯卿亭侯侍中二千石肅宗唯

特封東平憲王蒼琅邪孝王京女為縣公主東平王傳曰封蒼女

五人為縣公主孝王女傳不見其數其後安帝桓帝妹亦封長公主同之

皇女案鄧禹女孫少府襄尚舞陰長公主耿弇曾孫付漢陽公主王莽彭玄孫魏郡守熙尚涅陽長

公主來欵玄孫虎賁中郎將定尚平氏長公主其皇女並安帝妹也長社益陽公主桓帝妹也解見上

封公主者所生之子襲母封為列侯馮定獲嘉公主子襲封獲嘉侯馮奮

平陽公主子襲封平陽侯此其類也皆傳國於後鄉亭之封則不傳襲其

職僚品秩事在百官志沈約謝儼傳曰范曄所撰十志一皆託儼搜撰垂畢遇曄敗悉

蠟以覆車宋文帝令丹陽尹徐湛之就儼尋求已不復得一代以為恨其志今闕續漢志曰諸公主家令一人

六百石丞一人三百石其餘屬吏增減無常漢官儀曰長公主傳一人私府長一人食官一人丞巷長一人家

令一人秩皆六百石各有負吏而鄉亭公主傳一人秩六百石僕一人六百石家丞一人三百石也不足

別載故附于后紀末

皇女義三建武十五年封武陽長公主適延陵鄉侯太

僕梁松舞陽縣屬潁川郡松梁統之子其傳云尚光武女舞陰公主又鄧訓傳舞陰公主子梁扈有罪

順治十七年刊

訓與交通此云舞陽誤也松坐誹謗誅

皇女中禮十五年封涅陽公主適顯親侯大鴻臚竇固

涅陽屬南陽郡顯親縣屬漢陽郡固竇融子肅宗尊為長公主

皇女紅夫十五年封館陶公主適駙馬都尉韓光光坐

與淮陽王延謀反誅

皇女禮劉十七年封清陽公主適陽安侯長樂少府郭

璜璜郭况子也璜坐與竇憲謀反誅

皇女綬綬一作緩二十一年封酈邑公主適新陽侯世子陰

豐豐害主誅死酈縣屬南陽郡音擲亦反新陽縣屬汝南郡豐陰就子

世祖五女

皇女姬永平二年封獲嘉長公主適楊邑侯將作大匠

馮柱獲嘉縣屬河內郡楊邑縣屬太原郡柱馮魴子

皇女奴三年封平陽公主平陽縣屬河東郡適大鴻臚馮順馮勤

也子

皇女迎迎或作延三年封隆慮公主隆慮縣屬河內郡適牟平侯耿

襲牟平縣屬東萊郡襲耿弇弟舒之子

皇女次三年封平氏公主平氏縣屬南陽郡既不言所適不顯始終蓋史闕之也它

皆倣此

皇女致三年封沁水公主沁水縣屬河內郡適高密侯鄧乾鄧乾

震之子禹之孫

順治十七年刊

後漢書卷一百一

七

皇女小姬十二年封平臯公主

平臯縣屬河內郡

適昌安侯侍

中鄧蕃

昌安縣屬高密國蕃鄧襲子禹之孫也

皇女仲十七年封浚儀公主適軼侯

軼志作軼音伏師古日又音從系反

黃門侍郎王度

軼縣屬江夏郡度王符子霸之孫

皇女惠十七年封武安公主適征羗侯世子黃門侍郎

來稜

征羗縣屬汝南郡稜襲之子歛之孫

安帝尊為長公主

皇女臣建初元年封魯陽公主

魯陽縣屬南陽郡

皇女小迎元年封樂平公主

樂平太清縣屬東郡章帝更名

皇女小民元年封成安公主

成安縣屬潁川郡

顯宗十一女

皇女男建初四年封武德長公主

皇女王四年封平邑公主

平邑縣屬代郡今魏郡適黃

門侍郎馮由

皇女言永元五年封陰安公主

陰安縣屬魏郡

肅宗三女

皇女保延平元年封脩武長公主

脩武縣屬河內郡

皇女成元年封共邑公主

共縣屬河內郡

皇女利元年封臨潁公主

潁川郡

適即墨侯侍中賈建

即墨縣屬膠東國建賈參子復之曾孫

皇女興元年封聞喜公主

聞喜縣屬河東郡

和帝四女

皇女生永和三年封舞陽長公主

皇女成男三年封冠軍長公主冠軍縣屬南陽郡

皇女廣永和六年封汝陽長公主汝陽縣屬汝南郡

順帝三女

皇女華延熹元年封陽安長公主適不其侯輔國將軍

伏完完伏湛五世孫

皇女堅七年封潁陰長公主潁陰縣屬潁川郡

皇女脩九年封陽翟長公主

桓帝三女

皇女某光和三年封萬年公主

靈帝一女

皇后紀第十下終

後漢書十下

後漢石經下

三十一

皇清同治十年

卷之十

